



宋史新編卷八十二

列傳二十四

明南京戶部主事莆田柯維騏編

李沆弟維

王旦

向敏中

李沆字太初洛州肥鄉人曾祖祖俱仕州縣父炳爲殿中侍御史知舒州太祖征金陵以供億勞加侍御史沆少好學器度宏遠太平興國五年舉進士甲科爲將作監丞通判潭州歷直史館雍熙中右拾遺王化基上書自薦太宗謂宰相曰李沆宋湜皆嘉士并化基召試竝除右補闕知制誥沆位最下特升于上各賜錢百萬又以沆素貧多負人錢別賜三十萬以償遷至翰林學士

淳化二年判吏部銓嘗侍曲宴太宗目送之曰李沆風  
度端凝真貴人也三年拜給事中參知政事四年以本  
官罷奉朝請未幾丁內艱起復出知河南府真宗升儲  
遷禮部侍郎兼太子賓客詔東宮待以師傅禮卽位遷  
戶部侍郎參知政事成平初拜平章事監脩國史改中  
書侍郎會契丹犯邊車駕北幸命沆留守京師肅然累  
加門下侍郎尚書右僕射帝問治道所宜先沆曰不用  
浮薄新進喜事之人此最爲先問其人曰如梅詢曾致  
堯等是矣後致堯副溫仲舒安撫陝西於閣門疏言仲  
舒不足與共事沆遂罷致堯帝嘗語及唐人樹黨難制

使王室微弱蓋姦邪難辨爾沆對曰佞言似忠姦言似  
信至如盧杞蒙蔽德宗李勉以爲真姦邪是也一夕遣  
使持手詔欲以劉氏爲貴妃沆對使者引燭焚詔其議  
遂寢駙馬都尉石保吉求爲使相復問沆沆曰無攻戰  
之勞恐騰物議他日再三問執議如初遂止帝以沆無  
密奏謂之曰人皆有密啓卿獨無何也對曰公事則公  
言之何用密啓夫人臣有密啓者非讒卽佞臣常惡之  
豈可効尤時李繼遷久叛有圖取朔方之意朝廷困於  
飛輓中外咸以爲靈州乃必爭之地苟失之則緣邊諸  
郡皆不可保帝頗惑之因訪於沆沆曰繼遷不死靈州

非朝廷有也莫若遣使密召州將使部分軍民空壘而歸如此則關右之民息肩矣未幾而靈州陷帝由是益重之沆爲相王旦參政事以西北用兵或至旰食旦嘆曰我輩安能坐致太平得優游無事耶沆曰少有憂勤足爲警戒他日四方寧謐朝廷未必無事後契丹和親旦問何如沆曰善則善矣然邊患旣息恐人主漸生侈心耳旦未以爲然沆又日取四方水旱盜賊奏之旦以爲細事不足煩上聽沆曰人主少年當使知四方艱難不然血氣方剛不留意聲色犬馬則土木甲兵禱祠之事作矣吾老不及見參政他日之憂也沆沒後真宗封

岱祠汾大營宮觀蒐講墜典靡有暇日旦親見王欽若丁謂等所爲欲諫則業已同之欲去則上遇之厚乃嘆曰李文靖真聖人也當時遂謂之聖相寇準與丁謂善屢以謂才薦於沆不用準問之沆曰顧其爲人可使之在人上乎準曰如謂者相公終能抑之使在人下乎沆笑曰他日當思吾言也準後竟爲謂所傾沆爲相接賓客常寡言馬亮與沆同年生又與其弟維善語維曰外議以大兄爲無口匏維乘間達亮語沆曰吾非不知也今邦國大事北有契丹西有夏人日旰條議所以備禦之策非不詳究薦紳如李宗諤趙安仁皆時之英秀與

之談猶不能啓發吾意自餘通籍之子坐起拜揖尚周章失次卽席必自論功最以希寵獎此有何策而與之接語哉苟屈意妄言卽世所謂籠罩也沆又嘗言居位無補惟中外所陳利害一切報罷之此少以報國爾朝廷防制纖悉備具或徇所陳請施行一事卽所傷多矣陸象先曰庸人擾之是已儉人苟一時之進豈念厲民耶嘗讀論語曰沆爲宰相如節用愛人使民以時尚未能行聖人之言終身誦之可也景德初卒年五十八上臨哭之慟贈太尉中書令謚文靖仁宗卽位詔配享真宗廟庭沆性直諒內行脩謹言無枝葉居位慎密不求

聲譽人莫能干以私胡旦舊同知制誥旦謫外又聞沆參政啓賀歷詆前居職四人之短而盛譽沆沆不悅迄爲相不之援治第封丘門內聽事前僅容旋馬或謂太隘沆笑曰此爲宰相聽事誠隘爲大祝奉禮廳事已寬矣至於垣頽壁損不以屑慮曰內典以此世界爲缺陷安得完滿如意且人生朝暮不可保安事豐屋哉

維字仲方第進士真宗累遷翰林學士承旨仁宗累遷工部尚書會傳契丹將絕盟遣維往使其主隆緒重維名館勞加禮使賦兩朝悠久詩旣還帝欲用爲樞密副使或斥維賦詩自稱小臣乃寢歷知陳州卒維博學少

以文章知名至老手不廢書景德以後巡幸四方典章名物多維所參定嘗預定七經正義修續通典冊府元龜性寬易獎借後進嗜酒善謔而好爲詩常曰人生觴詠自適餘何營哉旣沒家無餘貲贈尚書右僕射王旦字子明父祐以文章顯于漢周之際事太祖太宗爲名臣又多陰德語在祐傳祐嘗手植三槐于庭曰吾後世必有爲三公者此其所以志也旦進士及第爲大理評事知平江縣歷遷殿中丞通判鄭州徙濠州淳化初王禹偁薦其才驛召至京旦不樂吏職獻文召試命直史館二年拜右正言知制誥旦登第不十年繼其父

任時論美之同列錢若水有人倫鑒每曰王君凌霄竇壑棟梁之材非吾所及李沆同年生亦推爲遠大器真宗卽位連拜翰林學士帝素賢旦嘗奏事退目送之曰爲朕致太平者必斯人也未幾拜給事中同知樞密院事又以工部侍郎參知政事景德元年契丹犯邊從幸澶州命旦權留守事旦奏曰十日之間未有捷報當如何帝默然良久曰立皇太子二年加尚書左丞三年拜工部尚書同中書門下平章事集賢殿大學士契丹旣受盟寇準以爲功有自得之色王欽若忌準傾之語在準傳欽若度帝厭兵復謬曰陛下以兵取幽燕乃可滌

恥帝曰河朔生靈始免兵革朕安能爲此可思其次欽  
若曰唯有封禪泰山可以鎮服四海誇示外國然自古  
封禪當得天瑞希世絕倫之事然後可爾旣而又曰天  
瑞安可必得前代蓋有以人力爲之者惟人主深信而  
崇之以明示天下則與天瑞無異也帝思久之而心憚  
且曰王且得無不可乎欽若曰臣得以聖意喻之宜無  
不可乘間爲且言且龜勉而從帝尚尢豫莫與籌之者  
會幸祕閣驟問杜鎬曰古所謂河出圖洛出書果何事  
耶鎬老儒不測帝意對曰此聖人以神道設教爾帝繇  
此意決遂召且飲歡甚賜以尊酒曰此酒極佳歸與妻

擊共之旣歸發之皆珠也由是凡封禪事且不再異議  
大中祥符中兩爲大禮使累進秩拜司空又爲天書使  
每有大禮輒奉天書以行恒邑邑不樂凡柄用十八年  
爲相僅一紀會契丹脩和西夏誓守二邊兵罷不用真  
宗以無事治天下且務行故事慎所變改帝久益信之  
凡大臣有所請必曰王且以爲如何天下大蝗使人於  
野得死蝗執政請示于朝率百官賀且獨不可後數日  
方奏事飛蝗蔽天帝顧且曰百官方賀而蝗如此豈不  
爲天下笑耶宮禁火有言榮王宮所延非天災當坐死  
者百餘人且獨請曰火雖有迹寧知非天譴耶坐者皆

免日者上書言宮禁事坐誅籍其家得朝士所與往還  
占問吉凶之說帝怒欲付御史問狀旦曰此人之常情  
不足罪真宗怒不解旦因自取嘗所占問書進曰臣少  
賤時不免爲此必以爲罪願并臣付獄真宗曰此事已  
發何可免旦曰臣爲宰相執國法豈可自爲之幸於不  
發而以罪人帝意解旦悉焚所得書旣而復悔馳取之  
已焚矣絲是皆免契丹奏請歲給外別假錢幣旦曰止  
當以微物輕之乃以歲給內各借三萬仍諭次年額內  
除之契丹大慙西夏趙德明言民饑求糧百萬斛旦請  
敕有司具粟百萬于京師詔德明來取之德明得詔慚

且拜曰朝廷有人寇準數短旦旦專稱準帝謂旦曰卿  
雖稱其美彼專談卿惡旦曰理固當然臣在相位久政  
事闕失必多準對陛下無所隱益見其忠直此臣所以  
重準也帝以是愈賢旦中書有事送密院違詔格準以  
聞旦被責堂吏皆見罰不踰月密院有事送中書亦違  
詔格堂吏欣然呈旦旦令送還密院準大慙準罷樞密  
使求爲使相旦驚曰將相之任豈可求耶吾不受私請  
準深憾之已而除準武勝軍節度使同中書門下平章  
事準入見謝曰非陛下知臣安能至此帝具道旦所以  
薦者準媿歎準在鎮生辰造山棚大宴又服用僭侈爲



人所奏帝怒謂旦曰寇準每事欲效朕可乎旦徐對曰  
準誠賢能無如駿何帝意遂解帝欲相王欽若旦曰祖  
宗朝未嘗有南人當國者雖立賢無方然須賢士乃可  
臣爲宰相不敢沮抑人此亦公議也帝遂止其後欽若  
語人曰爲王公遲我十年作宰相內臣劉承規以忠謹  
得幸病且死求爲節度使帝語旦曰承規待此以瞑目  
旦執不可曰他日將有求爲樞密使者奈何自是內臣  
官不過留後旦爲相賓客滿堂無敢以私請察可與言  
及素知名者數月後召與語詢訪四方利病或使疏其  
言而獻之觀才之所長密籍其名其人復來不見也每

有差除先密疏四三人姓名以請奏入無不可旦凡所  
薦皆人未嘗知諫議大夫張師德兩詣旦門不得見意  
爲人所毀以告向敏中爲從容明之及議知制誥旦曰  
可惜張師德敏中間之旦曰累於上前言師德名家子  
有士行不意兩及吾門狀元及第榮進素定但當靜以  
待之爾若復奔競使無階而入者當如何也敏中啓以  
師德之意旦曰師德後進待我薄爾敏中固請旦曰第  
緩之使師德知聊以戒貪進激薄俗也薛奎爲江淮發  
運使辭旦曰無他語但云東南民力竭矣奎退曰真宰  
相之言也張士遜爲江西轉運使辭旦曰朝廷權利

至矣故士遜迭更是職未嘗求利時謂識大體李迪賈  
邊有時名舉進士迪以賦落韻邊以當仁不讓於師論  
以師爲衆與注疏異且曰迪出於不意其過可略邊特  
立異說將令後生務爲穿鑿漸不可長遂收迪而黜邊  
且素羸多疾自東魯復命連歲求解優詔褒答繼以面  
諭委任無貳天禧初進太保爲兗州太極觀奉上寶冊  
使復加太尉兼侍中一日獨對滋福殿帝曰朕方以大  
事託卿而卿疾如此因命皇太子出拜且皇恐走避太  
子隨而拜之且復求避位帝憫其形瘁以太尉領玉清  
昭應宮使初且以宰相兼使及罷相使猶領之其專置

使自且始尋命肩輿入禁許挾扶以見帝曰卿萬一不  
諱朕以天下事付之誰乎再三問不對歷問張詠馬亮  
亦不對因曰試以卿意言之且強起舉笏曰莫如寇準  
帝曰準剛褊更思其次且曰他非所知且卒歲餘竟相  
準且年六十一帝臨其喪慟贈太師尚書令魏國公謚  
文正有集二十卷乾興初配享真宗廟庭賜碑曰全德  
元老之碑且事寡嫂有禮與弟旭友愛甚被服質素不  
好珍異家人未嘗見其怒飲食不精潔但不食而已嘗  
試以少埃墨投羹中且惟啖飯後又墨其飯則曰今日  
不喜飯可別具粥平生不置田宅曰徒興爭爲不義爾

真宗以所居陋欲治之且以先人舊廬辭且臨終謂其子曰吾無狀久坐台司卽死當祝髮披緇以塞吾志家人欲從其言壻蘇耆力排而止之三子素別有傳

向敏中字常之開封人第進士歷淮南轉運副使或薦其武幹召入將授諸司副使敏中懇辭獻所著文加直史館遣還任以耕籍恩超左司諫入爲戶部判官知制誥尋權判大理寺時沒入祖吉贓錢分賜法吏敏中引鍾離意委珠事獨不受以婦翁張去華累落職知廣州州兼掌市舶敏中預市藥物往在官無所須以廉聞擢廣南東路轉運使召爲工部郎中太宗飛白書敏中洎

張詠付中書曰二人名臣也朕將用之左右因稱其材竝命爲樞密直學士太宗欲大任敏中當塗者忌之會有言敏中在法寺時皇甫侃以賄敗發書歷詣朝貴求爲末減敏中亦受之事下御史按實嘗有書及門敏中覩其名不啓封遣去俄捕得侃私僮詰之云其書尋納笥中瘞臨江傳舍馳驛掘得封題如故太宗大驚異召見慰諭賞激遂決登用未幾拜右諫議大夫同知樞密院事遷給事中真宗卽位進戶部侍郎樞密副使復拜兵部參知政事時大兵之後議遣重臣慰撫邊郡命爲河北河東安撫大使旣而以本官同平章事充集賢殿

大學士故相薛居正孫安上不肖其居第有詔無得質  
易敏中違詔質之會居正子惟吉娶婦柴將攜貲產適  
張齊賢安上訴其事柴遂言敏中嘗求娶已不許以是  
陰庇安上真宗以問敏中敏中言近喪妻不復議婚真  
宗因不復問柴又伐鼓訟益急遂下御史臺拜得敏中  
質宅之狀時王嗣宗爲鹽鐵使素忌敏中因對言敏中  
議娶王承衍女弟密約已定而未納采真宗詢于王氏  
得其實以敏中前言爲妄罷爲戶部侍郎出知永興軍  
景德初復兵部侍郎夏州趙德明納款因命爲鄜延路  
緣邊安撫使俄還京兆是冬真宗幸澶淵賜敏中密詔

盡付西鄙許便宜從事時舊相出鎮不以軍事爲意寇  
準雖有重名所至終日游宴以所愛伶人或付富室輒  
厚有得張齊賢倜儻任情獲劫盜或至縱遣帝聞之稱  
敏中曰大臣出臨四方惟敏中盡心民事爾於是復  
用意歷知河南府兼西京留守大中祥符中歷刑部尚  
書拜同平章事充集賢殿大學士加中書侍郎進兵部  
尚書天禧初加吏部尚書累進左僕射昭文館大學士  
四年卒年七十二帝臨哭之慟贈太尉中書令謚文簡  
敏中姿表瓌碩有儀矩性端厚多智曉民政慎於采拔  
居大任三十年時以重德目之爲人主優禮雖衰疾終

不得謝有集十五卷子傳範在外戚傳傳亮生子經經  
女爲神宗后得贈敏中燕王傳亮周王經吳王  
論曰真宗倚任賢弼如李沆王旦向敏中尤專且久沆  
格後宮戚畹濫恩蓋以道事君者乃若日奏四方艱虞  
一切罷喜事者建白元城劉氏推許得大臣體誠知言  
也且守文多匡救謗不校薦不市恩遼夏請求咸片言  
定之其器度頗類沆顧依違符瑞舉朝咸若狂豈特先  
見不沆若哉敏中勤政理慎采拔惜與張齊賢競十萬  
之貲清節喪焉嗚呼漢韓安國唐杜黃裳皆喜賄爲名  
宰張向非其倫耶

田錫

王禹偁

張詠

田錫字表聖嘉州人太平興國三年第進士釋褐將作  
監丞通判宣州遷著作郎京西北路轉運判官改左拾  
遺直史館錫好言時務既居諫官卽疏獻軍國要機者  
一朝廷大體者四其略曰王師平太原未賞軍功迄今  
二載願因郊禋耕籍之禮議平戢之功則駕馭戎臣莫  
茲爲重此要機也交州瘴海得之如獲石田臣願務脩  
德以來遠無鈍兵以挫銳此大體之一也今諫官不聞  
廷爭給事中不聞封駁左右史不聞升陛軒記言動豈  
聖朝美事乎又御史不敢彈奏中書舍人未嘗訪以政

宋史新編卷之三  
事集賢院雖有書籍無職官祕書省雖有職官無圖籍  
臣願擇才任人使各司其局此大體之二也爾者寓縣  
平寧京師富庶軍營馬監靡不恢崇佛寺道宮悉皆輪  
奐加又闢西苑廣御池而尚書省湫溢郎曹無本局尚  
書無廳事九寺三監寓天街兩廊貢院就武成王廟是  
豈太平制度邪臣願別脩省寺用列職官此大體之三  
也枷杻有短長鉗鎖有輕重竝載刑書未聞以鐵爲枷  
者也隆平之時將指刑不用於法所無去之可矣此大  
體之四也疏奏優詔褒答賜錢五十萬或戒少晦以遠  
讒忌錫曰事君之誠惟恐不竭矧天植其性豈爲一賞

奪邪趙普爲相今有司受羣臣章奏必先白錫錫貽書  
以爲失至公體普引咎謝後爲河北轉運副使驛書言  
邊事謂動靜之機不可妄舉安危之理不可輕言利害  
相生變易不定取舍無惑思慮必精其說甚備上嘉之  
徙知相州改右補闕復上章論事移睦州會文明殿災  
又拜章極言時政轉起居舍人還判登聞鼓院上書請  
封禪以本官知制誥端拱二年京畿大旱錫上章迂宰  
相罷知陳州坐稽留殺人獄責海州團練副使後徙單  
州召爲工部員外郎復論時政闕失俄詔直集賢院至  
道中復舊官真宗嗣位遷吏部旣而同知審官院兼通

進銀臺封駁司賜金紫與魏廷式不協求罷出知秦州  
會彗星見錫䟽請責躬以答天戒咸平三年詔近臣舉  
賢良方正翰林學士承旨宋白以錫應詔還朝屢召對  
言事錫嘗奏曰陛下卽位以來治天下何道臣願以皇  
王之道治之舊有御覽臣請鈔略四部別爲御覽三百  
六十卷萬幾之暇日覽一卷經歲而畢又采經史要切  
之言爲御屏風十卷置宸座之側則治亂興亡之鑒常  
在目矣詔史館以羣書借之五年再掌銀臺覽天下奏  
章有言民飢盜起及詔敕不便者悉條奏其事上對宰  
相稱錫得爭臣之體卽日以本官兼侍御史知雜事擢

右諫議大夫史館修撰連上八䟽六年卒年六十四上  
覽遺表惻然謂宰相李沆曰田錫直臣也朝廷少有闕  
失方在思慮錫之章奏已至矣特贈工部侍郎錄其二  
子錫耿介寡合未嘗趨權門慕魏徵李絳爲人以盡規  
獻替爲已任嘗曰吾立朝以來章䟽五十有二皆諫臣  
任職之常言苟獲從幸也豈可藏副示後謗時賣直邪  
悉命焚之然性凝執治郡無稱所著咸平集五十卷  
王禹偁字元之鉅野人世爲農家九歲能文擢進士爲  
簿令遷至大理評事端拱初太宗聞其名召試擢右拾  
遺直史館賜緋特命以文犀帶寵之卽日獻端拱箴以

寓規諷時比庭未寧禹偁獻禦戎十策大略假漢事以明之漢十二君言賢明者文景也言昏亂者哀平也然而文景之世軍臣單于最爲強盛肆行侵掠候騎至雍火照甘泉哀平之時呼韓邪單于每歲來朝委質稱臣邊烽罷警何邪蓋漢文外任人內脩政使不能爲深患者由乎德也哀平當呼韓衰弱之際雖外無良將內無賢臣而致其來朝者繫乎時也今國家之廣大不下漢朝陛下之聖明豈讓文帝契丹之強盛不及軍臣單于亦在乎外任人內脩德爾拜左司諫知制誥京城旱禹偁疏云旱雲未霽宿麥未茁旣無積蓄民飢可憂望自

乘輿服御下至百官奉料非宿衛軍士邊庭將帥悉第減之上答天譴下厭人心俟雨足復故臣朝行中家最貧奉最薄亦願首減奉以贖耗蠹之咎然後以古者猛虎渡河飛蝗越境之事戒敕州縣官吏但感人心必召和氣未幾判大理寺盧州妖尼道安誣訟徐鉉道安當反坐有詔勿治禹偁抗疏雪鉉請論道安罪坐貶商州團練副使歲餘移解州召拜左正言太宗以禹偁性剛直不容物命宰相戒之直昭文館勾外以便養俄召爲禮部員外郎再知制誥屢獻討李繼遷便宜謂宜曉諭蕃漢高與官資則繼遷身首不臬卽擒矣其後潘羅支



射死繼遷夏人款附卒如禹偁策至道元年召入翰林  
爲學士知審官院兼通進銀臺封駁司孝章皇后崩羣  
臣不成服禹偁與客言后嘗母儀天下當遵用舊禮坐  
謗訕罷爲工部郎中知滁州初禹偁嘗草李繼遷制送  
馬五十匹爲潤筆禹偁却之及出滁或言買馬虧價者  
帝曰彼能却繼遷五十馬顧肯虧一馬價哉移知揚州  
真宗卽位遷秩刑部會詔求直言禹偁疏五事一曰謹  
邊防通盟好使輦運之民有所休息二曰減冗兵併冗  
吏使山澤之饒稍流於下三曰艱難選舉使入官不濫  
四曰沙汰僧尼使疲民無耗五曰親大臣遠小人使忠

良蹇諤之士知進而不疑姦儉傾巧之徒知退而有懼  
疏奏召還復知制誥咸平初預修太祖實錄直書其事  
時宰相張齊賢李沆不協意禹偁議論輕重其問出知  
黃州嘗作三黜賦以見志其卒章云屈于身而不屈于  
道兮雖百謫而何虧三年濮州盜夜入城略知州王守  
信監軍王昭度禹偁聞而奏疏略曰太祖太宗削平僭  
僞天下一家當時議者乃令江淮諸郡毀城隍收兵甲  
徹武備者二十餘年書生領州大郡給二十人小郡減  
五人以充常從號曰長吏實同旅人名爲郡城蕩若平  
地雖則尊京師而抑郡縣爲強幹弱枝之術亦匪得其

中道也。濮賊之興，慢防可見。望陛下特紆宸斷，許江淮諸郡酌民戶，衆寡城池大小，竝置守捉軍士，多不過五百人，閱習弓劍，然後漸葺城壁，繕完甲冑，則郡國有禦侮之備矣。疏奏，上嘉納之。四年，州境二虎鬪，其一死，食之殆半，羣雞夜鳴，經月不止。冬雷暴作，禹偁手疏引洪範傳陳戒，且自劾。上遣內侍乘驛勞問，醮禳之。詢日官云：守土者當其咎。上惜禹偁才是，日命徙蘄州。禹偁上表謝，有宣室鬼神之間，不望生還，茂陵封禪之書，止期身後之語，上異之。果至郡，未踰月而卒。年四十八。訃聞，甚悼之，厚賻其家，賜一子出身。禹偁詞學敏贍，遇事敢

言，意臧否人物，以直躬行道爲己任。嘗云：吾若生元和時，從事於李絳、崔羣間，斯無媿矣。其爲文著書多涉規諷，以是頗爲流俗所不容。故屢見擯斥，有小畜集二十卷，承明集十卷，集議十卷，詩三卷。子嘉祐、嘉言俱知名。嘉祐爲館職，寇準曰：吾尹京外，議云何對曰：人言丈人且入相，準曰：於吾子意何如？嘉祐曰：相則譽望損矣。自古賢相所以能建功業、澤生民者，其君臣相得如魚水。今丈人於明主能若魚之有水乎？準執其手曰：元之雖文章冠天下，至於深識遠慮，或不逮吾子也。嘉祐官不顯，嘉言登進士第，爲江都簿。真宗觀禹偁奏章，嗟美切

直因訪其後擢嘉言至殿中侍御史曾孫汾進士甲科  
至工部侍郎入元祐黨籍

張詠字復之鄆城人太平興國五年郡舉進士議以詠  
首薦有夙儒張覃者未第詠與寇準致書郡將薦覃衆  
許其能讓是歲詠登進士乙科踐歷中外李沆宋湜寇  
準薦其才累擢樞密直學士同知銀臺通進封駁司兼  
掌三班院邊將張永德答小校至死詔案其罪詠封還  
詔書言以一部校故推辱主帥臣恐下有輕上之心不  
從未幾果有營兵脅訖軍校者詠引前事爲言太宗改  
容勞之出知益州時東西兩川旱民飢吏失救卹李順

因之構亂王繼恩上官正總兵攻討城中屯兵三萬人  
而無半月之食詠訪知鹽價素高而廩有餘積乃下其  
估聽民以米易鹽民爭趨之未踰月得米數十萬斛復  
激繼恩分兵鄰州不數日減城中兵半詠計軍食有二  
歲之備遂奏罷關中糧餉帝大喜及正頓師不進詠以  
言激之勉其親行仍盛爲供帳舉爵屬軍校曰爾曹蒙  
國厚恩此行當平蕩醜類若老師曠日卽此地還爲爾  
死所矣正乃決行深人大致克捷寇略之際民多脅從  
詠移文諭以朝廷恩信使各歸田里且曰前日李順脅  
民爲賊今日吾化賊爲民不亦可乎大修荒政歲糴米

六萬石以廣儲蓄蜀人賴之民間訛言有白頭翁午後  
食人兒女一郡囂然詠戮造訛者遂帖息詠曰妖訛之  
興沴氣乘之妖則有形訛則有聲止訛之術在乎識斷  
不在厭勝也初蜀士不樂仕宦詠敦勉郡之賢者張及  
李畋張達就舉三人者悉登科士由是知勸丁外艱起  
復改兵部郎中真宗卽位連拜御史中丞未幾出知杭  
州又知永興復命知益州遷至樞密直學士吏部侍郎  
治狀聞詔褒之會遣謝濤巡撫西蜀上因令傳諭詠曰  
得卿在蜀朕無西顧之憂矣歸朝復掌三班領登聞檢  
院詠中歲瘍生腦頗妨中櫛求知潁州上將委以青社

或真定令自擇詠辭不就遂命知昇州大中祥符初加  
左丞三年春州民以秩滿借留就轉工部尚書令再任  
是秋以江左旱歉命充昇宣等十州安撫使進禮部上  
閱詠腦瘍甚令薛映馳驛代還抗論賊臣丁謂王欽若  
啓上侈心虛帑藏而困生民不誅死無以謝天下章三  
上出知陳州初詠與青州傅霖少同學霖隱不仕詠旣  
顯求霖者三十年不可得至是來謁閤吏白傅霖請見  
詠責之曰傅先生天下賢士吾尚不得爲友汝何人敢  
名之霖笑曰別子一世尚爾邪是豈知世間有傅霖者  
乎詠問昔何隱今何出霖曰子將去矣來報子爾詠曰

詠亦自知之霖曰知復何言翌日別去未幾詠卒年七十贈左僕射謚忠定詠剛方自任爲治恩威竝行人畏而愛之嘗謂友人曰張詠幸生明時讀典墳以自律不爾則爲何人邪故其言曰事君者廉不言貧勤不言苦忠不言已效公不言已能斯可以事君矣性卞急不喜人拜跪命典客預戒止有違者詠卽連拜不止或倨坐罵之真宗稱其材任將帥以疾不盡其用自號乖崖以爲乖則違衆崖不利物有集十卷

論曰田錫仕太平時屢上書極諫常若有朝夕之虞謂憂治世危明主非耶王禹偁直躬鯁論與錫名齊醇文與學乃餘事耳張詠以嚴爲治勳績卓爾而遠不忘君請誅賊臣之疏天下快焉惜詠不大用禹偁不見容錫僅得諫議蓋獨立者多齟齬信道者輕榮利仲尼曰吾未見剛者三君子近之矣

宋史新編卷八十二

列傳二十五

明南京戶部主事莆田柯維騏編

楊礪

宋湜

王嗣宗

李昌齡

從子絃

趙安仁

子良規  
孫君錫

陳彭年

楊礪字汝礪京兆鄠人建隆中舉進士甲科解褐鳳州團練推官歲餘以母疾棄去後詣闕獻書召試學士院累擢屯田員外郎知鄂州以善政聞端拱初真宗在襄邸遷庫部充記室叅軍初周世宗節制澶州礪贄文見之館接數日世宗入朝礪處僧舍夢古衣冠者曰汝能從乎礪隨往覩宮衛若非人間殿上王者秉珪南向總

宋史新編卷八十二

列傳二十五

明南京戶部主事莆田柯維騏編

楊礪

宋湜

王嗣宗

李昌齡

從子絃

趙安仁

子良規  
孫君錫

陳彭年

楊礪字汝礪京兆鄠人建隆中舉進士甲科解褐鳳州團練推官歲餘以母疾棄去後詣闕獻書召試學士院累擢屯田員外郎知鄂州以善政聞端拱初真宗在襄邸遷庫部充記室叅軍初周世宗節制澶州礪誓文見之館接數日世宗入朝礪處僧舍夢古衣冠者曰汝能從乎礪隨往觀宮衛若非人間殿上王者秉珪南向總

三十餘礪升謁之最上者有按置簿錄人姓名礪見已  
名居首因請示休咎王者曰我非汝師指一人曰此來  
和天尊異日汝主也當問之其人笑曰此去四十年汝  
功成予名亦顯矣寤而志之礪初名勵籍作礪遂改之  
至是見襄王儀貌卽所夢來和天尊也真宗尹開封礪  
爲推官真宗嘗問礪何年及第礪唯唯不對後知其唱  
名第一自悔失問重其不伐卽位累遷工部侍郎樞密  
副使卒真宗冒雨臨其喪見儻舍僻陋甚憫之贈兵部  
尚書礪爲文繁無師法有集二十卷

宋湜字持正長安人父溫故晉天福中進士至左補闕

弟溫舒亦進士至職方員外郎兄弟皆有時名湜太平  
興國五年進士歷右補闕知制誥與李沆竝命俄判刑  
部坐累貶累遷給事中樞密副使從真宗北巡卒年五  
十一贈吏部侍郎諡忠定湜風貌秀整器識冲遠好學  
美文詞善談論曉音律精奕碁筆法迺媚喜引重後進  
又好趨人之急當世士流翕然宗仰之有集二十卷湜  
兄泌亦進士溫舒二子沆澥濤沆剛率喜談兵與濤俱  
進士澥有清節不仕與种放魏野遊多篇什酬唱云  
王嗣宗字希阮汾州人進士甲科補秦州司寇參軍太  
宗征河東嗣宗陳邊事召赴行在授大理寺丞通判睦



州改右贊善大夫徙河州帝遣武德卒潛察遠方事嗣  
宗械送京師奏曰陛下不委任天下賢俊猥信此輩爲  
耳目臣竊不取帝怒其橫械下吏削秩會赦復官累遷  
左正言河北轉運副使帝議親征契丹嗣宗疏其必不  
至之狀甚見嘉納改左司諫歷駕部員外郎河北轉運  
使貝州驍捷卒五十餘人劫庫兵爲亂嗣宗率兵悉擒  
之遷虞部郎中賜錢百萬又歷比部郎中淮南轉運使  
江浙荆湖發運使楊楚間民有疾惑禱祠不餌藥嗣宗  
徹淫廟刻名方州門民俗爲變咸平中以漕運稱職進  
秩踰年進右諫議大夫爲三司戶部使改鹽鐵使條上

應奉諸物以及工作減省凡數十萬計改左諫議大夫  
知通進銀臺司兼門下封駁事出知并州兼并代部署  
州有臥龍王廟每窮冬闔境致祭值風雪老幼道路嗣  
宗亟毀之政績聞有詔褒美召拜御史中丞後加兼工  
部侍郎權判吏部銓每進見極談當時鉅細事頗輕險  
好進深詆參知政事馮拯之短遂結宰相王旦弟旭使  
達意爲助旦不之與力庇拯嗣宗大怒知制誥王曾從  
妹適孔冕家閨門不睦曾從東封過冕啜茗中毒得良  
藥乃解事已暴露曾密疏方行大禮願罷推究宰相亦  
以冕先聖後將有褒擢乃隱其事嗣宗獨謂曾誣構懼

反坐乃求寢息會愆雨嗣宗請對言孔冕負冤真宗召  
詰王旦等具以實對嗣宗理屈復以他辭侵旦旦不與  
抗乃已明年嗣宗復請對言孔冕冤播人口王曾尚居  
近班臣請露章以聞帝以語王旦等王欽若曰臣請審  
問嗣宗若再鞫冕不能自隱何以處之明日嗣宗復對  
且謝前言之失其強妄多此類將祀汾陰以求興重地  
思得大臣才兼文武者鎮之拜耀州觀察使知永興軍  
府真宗作詩寵行時种放得告歸山嗣宗逆於傳舍禮  
之甚厚放霑醉稍倨嗣宗怒以語譏放放曰君以手搏  
得狀元耳何足道也初嗣宗就試講武殿搏趙昌言帽

擢首科故放及之嗣宗愧恨因上疏言所部兼并之家  
十餘族而放爲之首放弟姪無賴奪編昨厚利願以臣  
疏下放賜放終南田百畝徙放嵩山疏辭極詬辱至目  
放爲魑魅帝方厚待放令徙居高陽避之旣而徙知邠  
州兼邠寧環慶路都部署城東有靈應公廟竝山群狐  
處焉妖巫挾之爲人禍福前此長吏皆先謁廟然後視  
事嗣宗毀其廟燻穴得數十狐盡殺之徙鎮州代邊肅  
發肅不法事肅坐貶嗣宗嘗言徙种放掘邠狐按邊肅  
爲去三害居二歲擢樞密副使檢校太保與樞密使寇  
準不叶累表解職授太傅大同軍節度知許州歷陝州

再表請老且求入覲遣使召還改靜難軍節度以病足  
求再知許州不復議休退時寇準爲相命以左屯衛上  
將軍檢校太尉致仕嗣宗睦於宗族撫諸姪如已子遺  
戒勿得析居令以孝經弓劍筆硯置壙中卒年七十八  
贈侍中諡景莊嗣宗事三朝最爲宿舊所至以嚴明御  
下尤傲狠凌挫羣類爲中丞日忿宋白郭贄邢昺七十  
不請老屢請真宗敕其休致又遣親屬諷激之及嗣宗  
晚歲疾甚猶享厚祿徘徊不去嘗謂人曰僕惟此一事  
未能免物議云所著有中陵子三十卷

李昌齡字天錫楚立人第進士歷右贊善大夫通判銀

州京城開金明池昌齡獻詩百韻太宗嘉之擢右拾遺  
直史館改右補闕出知滁州歷戶部員外郎知廣州廣  
有海舶之饒有言其貪者太宗以爲誣累擢御史中丞  
參知政事昌齡居位頗異悞無所建明真宗卽位加戶  
部侍郎坐交結王繼恩貶咸平二年起爲殿中少監王  
均之亂命知梓州知雜御史范正辭劾其廣舶宿犯亟  
代還知河陽丁外艱起復以疾求領小郡復得光州就  
改光祿卿尋請致仕帝曰昌齡素無清譽乃授祕書監  
遂其請弟昌言至太子中舍昌言子晉卿仲卿耀卿竝  
進士及第從子紘

紘字仲綱進士及第歷官監察御史時召成都府樂工許朝天等補教坊紘言陛下卽位尚未能顯巖穴之士而首召伶人非所以廣德美於天下朝天等遂罷歸紘踐歷中外遷至龍圖閣直學士知秦州卒紘方介有吏材篤於交游與劉顏爲友顏死移任子恩官其子弟緯起家三班借職累遷榮州刺史知雄州治兵頗嚴不事廚傳數與宦者爭利害積公使錢貯米三千斛爲常平倉奏下其法他州遷西上閣門使留再任卒

趙安仁字樂道洛陽人父孚字大信周顯德初第進士仕宋爲永寧令有治狀擢宗正丞開寶初置衣庫令孚

主之俄坐事抵罪語在趙普傳中太宗卽位起爲國子監丞知袁州還知開封府司錄參軍事朝廷議行封禪孚上封禪頌召拜祕書丞賜緋魚受詔鞫開封獄得其非辜者卽日授推官遷監察御史出知舒州改殿中侍御史雍熙中詔詢文武禦戎之策孚奏議以爲近鑒唐高祖之降禮遠法周古公之讓地諭以禍福示以恩威議定邊疆永息征戰養民事天濟時利物莫過於此上嘉之會上賜安仁金紫因問孚年幾安仁對曰臣父年六十二上曰孚名士也亟召對亦賜金紫未幾卒安仁早以文藝稱雍熙二年登進士第歷著作佐郎直集賢

院太宗製九絃琴五絃阮時多獻賦頌上嘉文物之盛  
悉閱覽訂其工拙時稱安仁李諤揚億辭雅贍召詣中  
書獎諭翌日改遷太常丞真宗卽位拜右正言上出師  
大名安仁上疏以爲有急務者三大要者五歷工部員  
外郎充翰林學士北邊請盟命安仁撰答書獨記太祖  
時聘問書式遼使韓杞至首命接伴凡覲見儀制多所  
裁定姚東之至又令接伴東之談次頗矜兵強戰勝安  
仁曰佳兵不祥之器聖人不得已而用之東之不敢復  
言時論翕然稱其得體上自是有意柄用安仁又集和  
好以來事宜及采古事作戴斗懷柔錄三卷以獻未幾

以右諫議大夫參知政事大中祥符初議封禪與王欽  
若竝爲泰山經度制置使判兗州禮畢復拜工部侍郎  
進秩刑部兵部仍兼脩史奉祀又同知禮儀院八年知  
貢舉三典春闈擇士平允是故獨無譏誚上再賜詩嘉  
之尋知兼宗正卿寺掌玉牒安仁重加詳定又爲仙源  
積慶圖皆統例精簡史成遷右丞又爲景靈宮副使屢  
得對言事改御史中丞卒年六十一贈吏部尚書謚文  
定錄其子溫瑜良規承裕安仁質直純慤與物無競家  
人僕使未嘗見其喜愠雖至顯寵簡儉若平素時閱典  
籍手自讎校三館舊闕虞世南北堂書鈔惟安仁家有

宋史新編卷之三  
本真宗嘉其好古尤知典故喜誨誘後進成其聲名當  
世推重之有集五十卷子尚寬在循吏傳

良規字元甫以父任登仕張知白薦之召試賜進士及  
第積官至尚書工部侍郎知濠州卒良規所至州郡爲  
政不甚力然善委任佐屬祿賜多分贍族人餘皆輸之  
酒家子君錫

君錫字無愧性至孝母亡事父良規不違左右夜則寢  
於傍凡衾裯薄厚衣服寒溫藥石精粗飲食旨否櫛髮  
翦爪整冠結帶如內則所載者無不親之及登進士第  
以親故不願仕良規每出必扶掖上下至雜立僕御中

嘗從謁文彥博彥博異其容止問而知之語諸子令視  
爲法良規沒調知武強縣歷擢給事中論蔡確章惇不  
宜復職大河不可輕議東回蘇軾不可使去朝廷進刑  
部侍郎樞密都承旨拜御史中丞君錫素有志行後隨  
人低昂無大建明賈易劾軾題詩怨謗君錫卽請正軾  
罪宣仁后不悅曰君錫全無執守復以吏部侍郎天章  
閣待制知鄭陳澶三州河南府徙應天因清明出郊具  
奠謁杜衍張昇張方平趙槩王堯臣蔡抗蔡挺之瑩邀  
七家子孫陪祭於側時人傳其風義紹聖中貶少府少  
監分司南京卒贈徽猷閣直學士

陳彭年字永年撫州人幼好學年十二著皇綱論萬餘言爲江左名輩所賞在場屋間頗有雋名然佻薄好嘲咏頗爲宋白所黜雍熙二年始中第歷遷祕書郎喬惟岳刺史海州及知蘇壽二州竝表彭年通判州事咸平三年屢上疏言事召試學士院遷祕書丞知金州四年上疏曰夫事有雖小而可以建大功理有雖近而可以爲遠計者其事有五一日置諫官二日擇法吏三日簡格令四日省冗員五日行公舉景德初代還直史館兼崇文院檢討又代潘慎脩起居注獻大寶箴三年遷右正言充龍圖閣待制大中祥符中附王欽若丁謂詳定

封禪儀注辨正包茅之用累遷右諫議大夫兼祕書監賜勳上柱國嘗因奏對真宗謂之曰儒術汗隆係國家崇替又謂君之難由乎聽受臣之不易在乎忠直彭年曰陛下聖言精詣足使天下知訓願躬演睿思著之篇翰真宗爲製崇儒術爲君難爲臣不易二論示之彭年復請示輔臣刻石國子監六年召入翰林充學士兼龍圖閣學士同脩國史彭年嘗謁王旦旦辭不見翌日見向敏中敏中以彭年所上文字示旦旦瞑目不覽曰是不過興建符瑞圖進取耳真宗奉祀亳州太清宮丁謂爲經度制置使以彭年副之又與謂同知禮儀院又爲

天書同刻玉副使擢至刑部侍郎參知政事判禮儀院  
充會靈觀使天禧大禮爲天書儀衛副使又爲參詳儀  
制用寶使進兵部侍郎卒上臨哭久之又覩所居陋弊  
歎息數四贈右僕射諡文僖錄其子孫彭年性敏給博  
聞強記慕唐四子爲文體制繁靡位至通顯奉養無異  
貧約所得奉賜惟市書籍朝廷典禮無不參預刑名之  
學皆所詳練若前世所未有必推引依據以成就之故  
時政大小日有諮訪應答該辯一無凝滯皆與真宗意  
諧內閣專任形神皆耗舉止失措顛倒冠服家人有不  
記其名者所著文集百卷唐紀四十卷

論曰楊礪以際會躋顯榮未聞佐時明略獨棄官將母  
庶云克孝宋湜優文藝名動人主至於樂善好施繫天  
下士大夫之心其高誼何如趙安仁匪直才辨臣平居  
簡儉精典籍後進賴以造就斯盛德君子歟王嗣宗才  
兼文武所至克舉其職然性剛凌人年耆戀祿可謂不  
遜而鮮恥矣李昌齡初緣獻詩蒙主眷物議不能搖其  
後竟以徇貨黨邪取敗倖可以屢僥乎陳彭年附王欽  
若丁謂輩與符瑞以蕩上心世號五鬼奚用嗜學詳儀  
制爲哉

韓丕

師頌

張茂直



宋史新編卷之三  
梁顥 子固

楊徽之 楊徽

呂文仲 王著附

呂祐之

潘慎脩

杜鎬

韓丕字太簡華州鄭人父杲仕晉爲曲陽縣主簿陷於契丹母改適他氏丕幼孤貧有操尚讀書于驪山嵩陽通周易禮記爲人講說常有山林之志太宗朝第進士聲名籍甚嘗著孟母碑返魯頌人多諷誦之解褐大理評事通判衡州石熙載薦其文行代還試中書擢著作佐郎直史館賜緋魚未幾改左拾遺遷職方員外郎知制誥又加虞部郎中丕屬思艱澀及典書命傷於稽緩宰相宋琪性褊急常加督責又舍人王祐以前輩負氣

每陵轍面折之丕不能平乃表求外郡知虢州就改職方郎中端拱初拜右諫議大夫賜金紫知河陽濠州丕起寒素以冲澹自處不奔競於名宦太宗甚嘉重之後召入爲翰林學士終以遲鈍不敏於用俄罷職充集賢殿脩撰知均州歷知滁州就加禮部侍郎卒丕純厚畏慎似不能言者雖不優吏事能以清介自持時稱其長者云

師頴字霄遠內黃人父均後唐長興二年進士頴少篤學與兄頴齊名建隆二年舉進士上第累遷監察御史通判永興軍府坐秦王廷美假公帑緡錢左授乾州團

練副使歷殿中侍御史知資眉二州頽所至以簡靜爲  
治蜀人便之代還遷侍御史知安州賜緡錢二十萬移  
朗州超拜工部郎中命知陝州賜金紫改刑部郎中未  
幾召還真宗以其舊人素負才望而久次于外累召對  
詢其文章頽謙遜自晦益嘉之命以本官知制誥兼史  
館脩撰歷翰林學士知審官院通進銀臺封駁司兩典  
貢舉卒年六十七詔遣官護葬給其子仲回祕書丞奉  
終喪頽曠達夷雅摺紳慕其操尚有集十卷仲回進士  
及第

張茂直字林宗兗州瑕丘人開寶二年登進士第歷祕

書丞參知政事李至稱其端實命入益王府爲記室參  
軍王好學嘗遣使徵詩援筆而就真宗居藩時茂直與  
朱昂並在諸王府每預宴集屢因酬唱識其名卽位選  
用舊臣得茂直及昂與梁周翰師頽輩相繼知制誥茂  
直淳至寡言晚年多疾才思梗澀不稱職改祕書少監  
知潁州卒年七十五子成列進士及第

梁顥字太素須城人初舉進士不中第留闕下獻疏謂  
方今科名之設俊造畢臻奈何所取不出於詩賦策論  
其間闕耳妄進濫廁科場者間亦有之聖人在上內君  
子而外小人若薰猶同器甚非所以正人倫厚風俗也

不報雍熙二年復舉進士賜甲科解褐大名府觀察推官歷開封府推官二司關西道判官轉太常博士丁內艱起令赴職改右司諫真宗初詔群臣言事顯時使陝西途中作聽政箴以獻還爲度支判官咸平中扈蹕大名詔訪群臣邊事顯上疏曰臣聞用兵之道在明賞罰兵法曰罰之不行譬如驕子之不可用又曰善爲將者威振敵國令行三軍昨者傳潛逗撓無謀守陴翫寇遂至殘妖未殄鑿輅親征此所謂以賊遺君父者也乃或赦而不問則何以謝橫死之民恢用兵之略臣嘗讀史李廣之屯兵行師也無部伍行陣就善水草人人自便

不擊刁斗以自衛而廣終爲名將士卒樂用又唐高祖之備北邊也選勁兵爲游騎不齎軍糧隨逐水草遇敵則殺當時以爲得策願於邊將中擇武勇謀略素爲衆所推服者取十人焉人付騎士五千器甲完備輕齎糧糗逐水草以爲利往復杆御遇有寇兵隨時掩捕仍令烽候相望交相救應緣邊州郡守城兵帥卽堅壁以待之遇游騎近城掩殺邊寇內量出兵甲援救如此則乘城者不堅閉壘門免坐觀於勝負捍邊者不苟依郡郭可行備於寇攘雖匪良等且殊膠柱時論頗稱之遷至翰林學士同知審官院三班景德元年權知開封府顯

閨門雍睦與人交久而無改士大夫多之暴卒年九十  
二上軫惻賜贈加等有集十五卷子固述適適別傳

固字仲堅幼有志節嘗著漢春秋顛器賞之以遺蔭賜  
進士出身服闋讓前命願赴鄉舉許之大中祥符元年  
舉服勤詞學科擢甲第解褐將作監丞同判密州歷戶  
部判官判戶部勾院爲人氣調俊爽善與人交踈財慷  
慨尚氣義明於吏道嘗詔鞫獄時稱平審天禧大禮成  
奏頌甚工無幾卒年三十三有集十卷

楊徽之字仲猷浦城人周顯德中舉進士甲科同時登  
第者十六人世宗命覆試惟徽之與李覃何曦趙隣幾

中選解褐校書郎集賢校理歷知全州就遷左拾遺右  
補闕太平興國初代還太宗素聞其詩名因索所著徽  
之以數百篇奏御且獻詩爲謝有十年流落今何幸叨  
遇君王問姓名語帝稱賞累遷庫部員外郎判南曹同  
知京朝官差遣會詔李昉等采輯前代文字類爲文苑  
英華以徽之精於風雅分命編詩爲百八十卷歷拜左  
諫議大夫知許州入判史館事加脩撰因次對上言陛  
下取士之道亦已至矣然擅文章者多超遷明經業者  
罕殊用且京師四方之會太學首善之地五經博士竝  
闕其員非所以崇教化獎人材繇內及外之道也帝嘉

納之未幾改判集賢院坐董儼傾劉昌言出爲鎮安軍  
行軍司馬事在張洎傳真宗尹開封召爲左諫議大夫  
與畢士安竝充府判官東宮建屬又兼左庶子卽位拜  
工部侍郎樞密直學士俄兼祕書監咸平初加禮部侍  
郎二年春以衰疾求解近職改兵部仍兼祕書監入謝  
命坐勞之曰圖書之府清淨無事俾卿得以養性也是  
秋特置翰林侍讀學士命與夏侯嶠呂文仲竝爲之賜  
宴祕閣且褒以詩得疾請告卒年八十贈兵部尚書徽  
之純厚清介尚名教疾非道以干進者嘗言溫仲舒寇  
準用搏擊取貴位使後輩務習趨競禮俗浸薄世謂其

知言徽之寡諧於俗唯李昉王祐深所推服與石熙載  
李穆賈黃中爲文義友自爲郎官御史朝廷卽待以舊  
德善談論多識典故唐室以來士族人物悉能詳記酷  
好吟詠每對客論詩終日忘倦有集二十卷

澈字晏如徽之宗人也徙青州之北海建隆初第進士  
竇儀典貢部謂澈文詞敏速可當書檄之任調補河內  
主簿再遷青州司戶參軍知州張全操多不法澈鞫獄  
平允無所阿畏太祖知其名召試禁中改著作佐郎出  
知渠州江南平改通判虔州令就大將曹彬分兵以行  
旣入境僞帥郭再興擁兵自固澈單騎直趨其壘諭以

宋史新編卷之三  
十五  
朝廷威信再興卽奉符以代土豪黎羅二姓聚衆謀亂  
澈率兵平之擒二豪械送闕下遷右贊善大夫知淄州  
求便侍養徙同判青州三遷祠部員外郎復知淄州又  
知舒州累轉祠部郎中咸平初選爲雍王府記室參軍  
加度支郎中景德初選兵部郎中充留守判官坐輔導  
不善免官未幾起爲祠部郎中卒年七十四子巒淳化  
進士

呂文仲字子臧新安人父裕僞唐歙州錄事參軍文仲  
在江左第進士調補臨川尉再遷大理評事掌宗室書  
奏入朝授太常寺太祝稍遷著作佐郎太平興國中充  
翰林侍讀寓直御書院與侍書王著更宿時書學葛湍  
亦直禁中太宗暇日每從容問文仲以書史著以筆法  
湍以字學歷左諫議大夫與陳堯叟竝兼關西巡撫使  
特內品方保吉專幹權酷威制郡縣訟其掎克者甚衆  
文仲等具奏其實反爲保吉所訟文仲素巽懦且恥與  
保吉辯對因誣伏遂罷職旣而太宗知其由復令直祕  
閣踰月再爲侍讀遷起居舍人兵部員外郎同判吏部  
銓知銀臺通進封駁司審官院咸平三年拜工部郎中  
充翰林侍讀學士又知審刑院六年授御史中丞景德  
中鞫曹州姦民趙諫欲諫多與士大夫交遊內出姓名

七十餘人令悉窮治文仲請對言中司之職非徒繩糾  
愆違亦當顧國家大體但籍其名更察其爲人置於冗  
散或舉選對敷之日擯斥之未爲晚也上從其言三年  
遷工部侍郎復爲翰林侍讀學士明年改刑部侍郎充  
集賢院學士卒文仲富詞學器韻淹雅其使高麗也善  
應對清淨無所求遠俗悅之有集十卷

王著字知微成都人僞蜀明經及第歷平泉百丈永康  
主簿蜀平赴闕授隆平主簿太宗以字書訛舛欲令學  
士刪定少通習者轉運使侯陟以著名聞改衛寺丞史  
館祇候委以詳定篇韻加著作佐郎翰林侍書與侍讀

賈直于御書院遷至左拾遺殿中侍御史卒

呂祐之字元吉鉅野人第進士歷右補闕直史館同判  
吏部南曹遷起居舍人端拱中副呂端使高麗假內庫  
錢五十萬以辦裝還遇風濤舟欲覆祐之悉取所得貨  
沉之卽止復獻海外覃皇澤詩十九首太宗嘉之仍蠲  
其所貸歷知制誥拜右諫議大夫賜金紫知審官院出  
知襄州徙壽州真宗歷拜工部侍郎翰林侍讀學士自  
置侍讀侍講甚艱其選至是裁七人祐之純謹長者不  
喜趨競所至無顯譽備顧問不能有所啓發出爲集賢  
院學士仍遷刑部侍郎卒年六十一有集二十卷

潘慎脩字成德莆田縣人父承祐仕閩後歸江南仕李  
景至刑部尚書慎脩少以父任爲祕書省正字累遷至  
水部郎中兼起居舍人煜歸朝以慎脩爲太子右贊善  
大夫煜表求慎脩掌記室許之煜卒改太常博士歷考  
功員外郎出補外以薦知直祕閣慎脩善奕某太宗屢  
召對奕因作碁說以獻大抵謂碁之道在乎恬默而取  
舍爲急仁則能全義則能守禮則能變智則能兼信則  
能克君子知斯五者庶幾可以言碁矣因舉十要以明  
其義累遷至右諫議大夫翰林侍讀學士卒年六十九  
真宗憫之錄其子汝士汝礪慎脩風度醞藉博涉文史  
讀道書善清談當時士大夫與之遊者咸推其素尚然  
頗恃前輩待後進倨慢人以此少之有集五卷

杜鎬字文周無錫人父昌業南唐虞部員外郎鎬舉明  
經解褐集賢校理入直澄心堂江南平授千乘縣主簿  
太宗卽位歷祕閣校理虞部員外郎帝問西漢賜與悉  
用黃金近代爲難得之貨何也鎬曰是時佛事未興故  
金價甚賤累遷直祕閣景德初置龍圖閣待制因以命  
錫鎬加都官郎中從幸澶淵遇懿德皇后忌日疑軍中  
鼓吹之禮時鎬先還備儀仗命馳騎問之鎬以武王載  
木主伐紂前歌後舞爲對四年拜右諫議大夫龍圖閣



直學士賜襲衣金帶特置此職儒者榮之大中祥符  
中命鎬同詳定東封儀注遷給事中已又置本閣學士  
遷鎬工部侍郎充其職進禮部侍郎卒年七十六錄子  
渥及三孫官鎬博聞強記士大夫有所著撰多訪以古  
事雖晚輩卑品請益應答無倦年踰五十猶日治經史  
數十卷或寓直館中四鼓則起誦春秋性和易清素有  
懿行所居僻陋僅庇風雨二十載不遷徙云

論曰宋承舊制設知制誥以代王言後又置翰林侍讀  
侍講學士且因內閣增職名俾更直迭宿以備顧問數  
者皆屬之鴻碩之儒要之均有繩糾輔導之責不特繹  
文義摘詞藻而已冲澹如韓丕夷曠如師頴淳厚如張  
茂直明敏如梁顥淹雅如呂文仲醞藉如潘慎脩清素  
如杜鎬置之左右豈不有裨若呂祐之不喜趨競揚徽  
之深疾倖進又重爲士風助云

宋史新編卷八十三

宋史新編卷八十四

列傳二十六

明南京戶部主事莆田柯維騏編

楊億弟偉從子絃

晁迥子宗慤

劉筠

薛映

楊億字大年浦城人少有毛被體長尺餘經月乃落七歲能屬文年十一太宗詔送闕下連三日得對試詩賦五篇立成太宗嘉賞命內侍送至中書又賦詩一章宰相驚其俊異上章為賀翌日下制曰汝方髫鬣不由師訓精爽神助文字生知越景絕塵一日千里予有望於汝也授祕書省正字賜袍笏外艱服除依從祖徽之於許州益務學不倦徽之深器焉淳化中詣闕獻文改太

宋史新編卷十四  
常寺奉禮郎仍令讀書祕閣獻二京賦命試翰林賜進士第遷光祿寺丞屬後苑賞花曲宴召賦詩億又上金明池頌明年曲宴復以詩獻卽命直集賢院至道初帝親製九絃琴五絃阮諸文士獻頌獨稱億爲優賜緋魚二年遷著作佐郎帝知其貧屢有霑賚真宗立超拜左正言固請外補就養知處州召還拜左司諫知制誥賜金紫西鄙未寧詔近臣議靈州棄守億上疏曰臣嘗讀史見漢武北築朔方平津侯諫以爲罷弊中國以奉無用之地上使朱買臣等發十策以難不能對臣以爲平津賢相非不能折買臣之舌蓋所以將順人君之意爾

今靈州蓋朔方故墟自邊境屢驚兇黨猖熾曹光實白守榮馬紹忠及王榮之敗資糧靡屨所失至多將士丁夫相枕而死平津所言正今日謂也買捐之建議棄朱崖當時公卿亦有異論元帝力排衆說下詔廢之人頌其德臣以爲類靈武也必以失地爲言卽燕薊八州河湟五郡所失多矣何必此爲景德初歷判史館三年召爲翰林學士又同脩國史大中祥符中嘗以疾在告遣中使致醫視之億剛介寡合當時文士咸賴題品或被貶議者退多怨謗王欽若銜之屢挾其失陳彭年忌億名出其右相與毀訾上皆不惑其說上欲立劉德妃爲

后大臣諫不從欲得億草制億難之乃命他學士焉億請歸省母不待報而行上親緘藥劑加金帛以賜素體羸至是以病請解官有疾憲官劾億授太常少卿分司西京許就所居養療嘗作君可思賦以抒忠憤歷知禮儀院判祕閣太常寺天禧二年拜工部侍郎明年權同知貢舉坐考校差謬降祕書監丁內艱屬行郊禮以億典司禮樂起復工部侍郎令視事未幾復爲翰林學士又兼史館修撰判館事權景靈宮副使卒年五十七億文格雄健才思敏捷對客揮翰不輟細書起草一幅數千言不加點竄學者翕然宗之朝廷典章制度及冊府

元龜國史變例多億所定人有片辭可紀必爲諷誦手集當世述作爲筆苑時文錄數千篇性尚名節常周給親友故廩祿隨而盡留心釋典禪觀之學所著括蒼武夷頽陰韓城退居汝陽蓬山冠鰲等集內外制刀筆共一百九十四卷無子以從子紘爲後弟偉

偉字子奇天禧元年獻頌召試學士院賜進士及第歷集賢校理通判單州會部卒李素合州卒二百餘人謀殺巡檢使入鼓角門偉挺身往問曰若屬皆有父母妻子以一朝忿而欲魚肉之乎悉令投兵籍首惡得十餘人斬之累遷知制誥權諫院嘗曰諫臣宜陳列大事細

故何足論然當時譏其亡補遷刑部郎中爲翰林學士  
進至中書舍人卒贈尚書禮部侍郎

紘字望之用蔭登仕歷官知鄞縣以億文獻賜進士出  
身累擢提點江東刑獄除轉運按察使紘御下急與王  
鼎王綽號江東三虎坐降知衡州徙越州至太常少卿  
卒紘性嚴雖家居兒女不敢妄言笑聚書數萬卷手抄  
事實名窺豹篇

晁迥字明遠澶州人第進士歷右正言直史館獻咸平  
新書五十篇又獻理樞一篇召試除右司諫知制誥累  
擢翰林學士尚書工部侍郎使契丹還奏北庭記如史

館脩撰知通進銀臺司獻玉清昭應宮頌其子宗操繼  
上景靈宮慶成歌真宗嘆爲措紳間美事歷拜工部尚  
書集賢院學士判西京留司御史臺賜一子官河南以  
就養仁宗遷禮部尚書以太子少保致仕天聖中迴年  
八十一召宴太清樓子宗慤爲知制誥同預宴寵賚甚  
厚進太子少傅後復召對訪以洪範雨暘之應旣而獻  
斧戾慎刑箴大順審刑無盡燈頌凡五篇卒年八十四  
贈太子太保諡文元迥性樂易寬簡服道履正貴勢無  
所屈真宗數稱其好學長者楊億嘗謂迥書命無過褒  
得代言之體喜質正經史疑義標括字類有以術命語

史記卷之十四  
迴迴曰自然之分天命也樂天不憂知命也推理安常  
委命也何必逆計未然乎所著翰林集等書

宗慤字世良以蔭爲祕書省校書郎屢獻歌頌召試賜  
進士及第又除館閣校勘歷通判許州仁宗立累遷尚  
書祠部員外郎知制誥宋綬嘗謂自唐以來唯楊於陵  
身見其子嗣復繼掌書命今始有晁迴焉奪父喪管勾  
會靈觀入翰林爲學士母亡又起復擢至參知政事以  
疾數求罷除資政殿學士給事中數日卒贈工部尚書  
謚文莊宗慤性敦厚至孝篤於故舊凡任子恩皆先其  
族人在翰林一夕草將相五制褒揚訓戒人得所宜嘗

密詔訪邊策陳七事頗施用之

劉筠字子儀大名人第進士歷祕閣校理真宗時四方  
獻符瑞筠數上賦頌累遷翰林學士筠嘗草丁謂與李  
迪罷相制旣而謂復留令別草制筠不奉詔乃更召晏  
殊筠自院出遇殊樞密院南門殊愧側面而過帝久疾  
謂浸擅權筠曰姦人用事安可一日居此請補外以右  
諫議大夫知廬州仁宗卽位累進翰林學士承旨兼龍  
圖閣直學士同脩國史判尚書都省筠素愛廬江遂築  
室城中構閣藏前後所賜書帝飛白書曰真宗聖文祕  
奉之閣再知廬州營塚墓作棺自爲銘刻之旣病徙于

宋史新編卷之四  
五  
書閣卒筠景德以來居文翰之選其文辭善對偶尤工  
爲詩初爲楊億所識拔後遂與齊名時號楊劉凡三入  
禁林又三典貢部以策論升降天下士自筠始性不苟  
合臨事明達而其治尚簡嚴晚爲陽翟同姓富人奏求  
恩澤清議少之著書凡七集一子蚤卒田廬沒官包拯  
少爲筠所知及拯顯奏爲立後還所沒產云

薛映字景陽唐中書令元超八世孫後家于蜀父允中  
事孟氏爲給事中歸朝爲尚書都官郎中映進士及第  
歷右諫議大夫知杭州映臨決盜銳庭無留事轉運使  
姚鉉移屬州當直司母得輒斷徒以上罪映卽奏情狀

苟明何必繫獄以累和氣請詔天下凡徒流罪於長吏  
前對辨無所異聽遣決從之與鉉既不協遂發鉉納部  
內女口等事鉉坐貶連州文學映亦坐常召人取告鉉  
狀當贖金真宗特賞之歷尚書左丞知揚州并州求興  
軍拜工部尚書兼御史中丞仁宗卽位遷禮部再爲集  
賢院學士判院事知曹州分司南京卒贈右僕射謚文  
恭映好學有文該覽強記善筆札章奏尺牘下筆立成  
略嚴明吏不能欺每五鼓冠帶黎明據案決事雖寒  
暑無一日異也

論曰自古負高才能文章者率不能有樹立若楊億劉

筠竝擅一代文宗而挺挺大節羞效世俗浮沉以邀榮利此豈恒得哉筠陷富人之謗乃同姓不避嫌所致以彼辭華耽寂達生俟死尚復何求乎晁迥醞藉善書命躬直道不為貴勢屈揚劉之亞歟薛映苟非私忿累德其文學吏治亦豈可少哉

謝泌

孫何弟

朱台符

戚綸

張去華

子師德

樂黃目

柴成務

謝泌字宗源歙州人少好學有志操第進士累遷殿中丞獻所著文十篇古今類要三十卷召試中書以直史館賜緋太宗詔閣門言事非涉僥望乃許受之繇是言

路稍壅泌抗疏陳其不可復言國家圖書多失次序唐嘗分經史子集為四庫望遵復故事從之遂以泌知集庫改左正言淳化中帝以王禹偁請詔庶官候謁宰相須朝罷於政事堂樞密使預坐接見泌上言書曰任賢勿貳去邪勿疑張說謂姚元崇曰外則踈而接物內則謹以事君此真大臣之體陛下以聰明寄於輔臣自非接下何以悉知外事且陛下囊括宇宙總攬英豪朝廷無巧言之士方面無姑息之臣奈何疑執政為衰世之事乎帝即追還前詔會修正殿施采繪泌復上疏亟命代以丹堊且喜其忠蓋拜左司諫賜金紫錢三十萬他



日得對便殿又獎其任直敢言俄判三司鹽鐵勾院奉  
詔解送國學舉人黜落既多羣聚喧詬懷甃以伺泌出  
泌請對自陳特授虞部員外郎兼侍御史知雜事蓋騶  
導嚴肅都人畏避也上元觀燈泌特預召自是爲例歷  
知三班通進銀臺司出知湖州再遷主客郎中知虢州  
真宗初邊人屢寇泌上疏曰臣竊惟聖心所切者欲天  
下朝夕太平爾雍熙末趙普錄唐姚崇太平十事以獻  
時稱政治之策無出於此臣以爲先朝未盡行者俟陛  
下爾議者或謂方今用兵異於開元且開元邊戎孔熾  
明皇卒與之和至如漢高祖亦然此皆屈已以寧天下

豈以輕大國而競小忿乎臣又聞成康刑措由任周召  
文景清靜不易蕭曹明皇太平亦資姚宋夫精練國政  
酌斟王度未聞市井之胥走塵之吏可當其任也惟陛  
下察往古用賢致治之道則賢者亦必盡忠竭力以輔  
成太平之治矣荐歷中外遷至太常少卿右諫議大夫  
判吏部銓卒年六十三泌性端直爲政有惠愛最後知  
福州代還民刻石紀去思頗好方外之學疾革服道士  
服端坐而逝

孫何字漢公汝陽人父庸字鼎臣顯德中獻贊聖策九  
篇引唐貞觀所行事以魏玄成自况命中書試補開封

兵曹掾歷殿中丞知龍州卒何篤學嗜古為文必本經義在貢籍中其有聲與丁謂齊名舉進士甲科歷右司諫真宗初獻五議一請擇儒臣有方略者統兵二請世祿之家肄業太學寒雋之士州郡推薦禁投贄自媒三請復制舉四請行鄉飲酒禮五請以能授官勿以恩慶例遷上覽而善之咸平二年舉入閣故事何次當待制獻疏曰六卿分職邦家之大柄也唐之盛時亦不聞分利權勅使額及玄宗侈心既萌租調不充於是蕭景揚釗始以地官判度支而宇文融為租調地稅使遂開利孔以構禍階至于肅代則有司之職盡廢而言利之臣

攘臂於其間矣五代短促曾莫是思今國家三聖相承五兵不試太平之業垂統立制在此時也所宜三部使額還之六卿則進無掎克之慮退有詳練之名周官唐式可以復矣是冬從幸大名詔訪邊事何上疏謂腥羶得計蛇豕肆行焚劫我郡縣係累我黎庶陛下爰御六師親幸澶魏雖鎮定道路已通而德棣烽塵未息此始將帥或未得人邊奏或有壅闕鄰境不相救援糗糧須俟轉輸之所致也擇將帥則莫若文武之內參用謀臣防壅闕則莫若凡奏邊防陞見庭問合救援則莫若督以軍令聽其便宜運糗糧則莫若輕齎疾驅角彼趨捷

宋史新編卷之十四  
且蜂蠱有毒豺狼無厭今契丹西畏大兵北無歸路獸窮則搏物不可輕餘孽尚或稽誅奔突亦宜預備及傅潛逗撓無功何又請斬潛以徇歷知制誥賜金紫掌三班院被疾賜告遣醫診視醫勉其然艾何答曰死生有命竟不聽卒年四十四何樂名教勤接士類然性下急不能容物浙右專務峻刻州郡病焉著駁史通十餘篇有集四十卷弟僅侑

僅字鄰幾少勤學與何俱有名于時咸平元年進士甲科兄弟連冠貢籍時人榮之解褐舒州團練推官會詔舉賢良方正之士僅策入第四等擢光祿寺丞直集賢

院俄知浚儀縣歷左諫議大夫知河中府歸朝復領審刑院又次進給事中卒年四十九有集五十卷僅性端慤中立無競篤於儒學士大夫推其履尚嘗使契丹適當通好之始館禮過腆僅悉裁而正之務令中度其後信使往復不易其制侑亦登進士第至殿中丞

朱台符字拱正眉山人父賦舉拔萃至殿中丞台符十歲能屬辭嘗作黃山樓記爲當時所稱及長善詞賦太宗廷試貢士多擢敏速者台符與同輩課試以尺晷成一賦登進士甲科歷京西轉運副使時北邊爲梗台符奏曰蠻夷猾夏帝典所載商周而下數爲邊害或振旅

宋史新編卷之四  
薄伐或和親脩好歷代經營斯爲良策至於秦築長城而黔首叛漢絕大漠而海內虛逞志一時貽笑萬代此商鑒不遠也太祖深鑒往古與民休息深得制禦之道及太宗謀取幽薊師屢無功自茲益肆莫可禁止芻粟之飛輓金帛之委輸贍給賞賜不可勝數繇是國家之食貨匱於河朔矣陛下自天受命與物更始繼遷受節黎桓加爵咸命使者鎮撫其邦惟彼契丹未加渥澤非所以柔遠能邇昭王道之無偏也臣愚以爲宜赦契丹罪擇一介使以脩和好利以貨財許以關市如太祖故事使之懷恩畏威可以專力西鄙是一舉而兩得也台

符又自請往使時論韙之咸平二年春旱詔求直言台符歷疏時務優詔褒答歷拜工部員外郎度支判官景德初爲陝西轉運賜金紫頗以刻碎爲舉職與楊覃不協徙知郢州三年召還會執政有不喜者復出知洪州卒於舟次年四十二台符好學喜延譽後進有集三十卷子公佐及弟昌符俱登進士第

戚綸字仲言楚丘人父同文自有傳綸少與兄維以文行知名第進士歷知太和縣爲諭民詩五十篇每歲時必與獄囚約遣歸祀其先皆如期而還遷光祿丞坐鞫獄陳州失實免官著理道評十二篇久之復授大理評

事知求嘉縣復爲光祿丞真宗卽位命爲祕閣校理詔館閣官以舊文獻上嘉綸所著特改太常丞俄判鼓司登聞院歷拜右正言龍圖閣待制賜金紫時初建是職與杜鎬竝命人皆榮之綸疏陳十事一曰王畿關輔二曰五等封建三曰復制科四曰崇國學五曰闢曠土六曰脩貢舉七曰任大臣八曰置平糴九曰益廂軍減禁兵十曰脩六典令式詞頗深切上爲嘉獎大中祥符元年掌吏部選事是多封泰山命綸同計度發運事禮成遷戶部郎中直昭文館待制如故被詔同編東封祥瑞封禪記會峻待制之秩又兼集賢殿脩撰建議脩釋奠

儀頒于天下立常平倉隸司農寺以平民糴皆從之三年擢樞密直學士上寵以詩祀汾陰復領發運出知杭州就加左司郎中胡則時領發運嘗居杭肆縱不檢厚結李浦綸素惡之則時爲當塗者所昵因其捃撫綸過徙知揚州維揚亦浦則巡內持之益急求改僻郡徙徐州八年與劉綜竝罷學士授左諫議大夫代還復知青州徙鄆州王遵誨奏綸謗訕坐左遷岳州團練副使易和州改保靜軍副使是多以疾求歸改太常少卿分司南京卒年六十八綸篤於古學善談名理喜言民政頗近迂闊事兄維友愛甚厚交游以信義著稱士子謁見

者必詢其所業訪其志尚隨才誘誨嘗云歸老後得十年在鄉閭講習亦可以恢道濟世樂於薦士每二奏十數人皆當時知名士平生儉約既沒家無餘貲有集二十卷又前後奏議有機務利害備邊均田之策別爲論思集十卷分上下篇贈左諫議大夫

張去華字信臣開封人父誼字希賈好學不事產業詣洛陽龍門書院與宗人沆鑾湜結友故名聞都下長興中第進士歷仕晉漢至中書舍人貶均州司戶改房州司馬卒去華幼勵學敏於屬辭蔭補太廟齋郎周世宗平淮南去華時年十八嘆曰兵戰未息民事不脩非馭

國持久之術因著南征賦治民論獻行在召試授御史臺主簿屬三院議事不得預坐謂所親曰簿領之職非壯夫所爲卽棄歸鄭州杜門不出者三載建隆初始攜文遊京師大爲李昉所稱明年舉進士甲科拜祕書郎直史館以歲滿不遷上章自訴因言制誥張澹盧多遜殿中侍御史蘇頌文學膚淺願得校優劣太祖立召策試命陶穀等考之澹以所對不應問降秩擢去華爲右補闕朝議薄其躁進不遷秩者十六年後累遷京東轉運使歷左司員外郎禮部郎中太平興國七年爲江南轉運使雍熙中王師討幽州掌河北轉運事三年加陝

宋史新編卷之十四  
州未行著大政要錄三十篇以獻詔書褒美賜綵五十匹因留不遣會許王尹京命爲開封府判官就拜左諫議大夫因事貶安州司馬歷知晉州許州遷至祕書少監真宗立復拜左諫議大夫未幾遷給事中知杭州徙蘇州以疾求分司西京在洛葺園廬作中隱亭以見志改工部侍郎致仕卒年六十九去華美姿貌善談論有蘊藉頗尚氣節在營道得父同門生何氏二子教之學受代攜京師慰薦館穀竝登仕籍嘗獻元元論以養民務穡爲急真宗嘉賞命書之繡素爲十八軸列龍圖閣四壁然不飭邊幅頗爲清議所貶有集十五卷

師德字尚賢去華十子最器師德嘗欲任以官辭不就去華曰此兒必繼吾志真宗祀汾陰知河南府薛映薦其學行又獻汾陰大禮頌于行在是歲舉進士亦爲第一時人榮之累擢右正言知制誥判尚書刑部頃之出知潁州荐歷中外遷至吏部郎中旣而拜左諫議大夫罷知制誥師德孝謹有家法不交權貴時相頗不之悅然亦多病在西掖九年不遷卒于官有文集十卷

樂黃目字公禮宜黃人世仕江左李氏父史字子正入朝爲平原主簿舉進士太宗惜科第不與旣而復賜及第上書言事擢著作佐郎知陵州獻金明池賦召爲三

館編脩荐歷中外累遷至職方員外郎知商州史前後  
臨民頗以賄聞俄告病聽解職分司西京咸平五年郊  
祀表賀得召對真宗見其矍鑠不衰又知篤學盡取所  
著書藏祕府復授舊職與黃目同在文館人以爲榮後  
判留司御史臺卒年七十八史在兩朝獻所著貢舉事  
二十卷登科記三十卷題解二十卷唐登科文選五十  
卷孝弟錄二十卷續卓異記三卷廣孝傳五十卷總仙  
記一百四十一卷廣孝新書五十卷上清文苑四十卷  
所著又有太平寰宇記二百卷總記傳百三十卷坐知  
天下記四十卷商顏雜錄廣卓異記各二十卷諸仙傳

二十五卷宋齊丘文傳十三卷杏園集李白別集神仙  
宮殿窟宅記各十卷掌上華夷圖一卷又編已所著爲  
仙洞集百卷史博而寡要云五帝三王皆仙去論者嗤  
其詭誕黃目舉進士歷官判三司三勾院天禧初馬元  
方奏黃目不舉職乃分三勾院以三人掌之遂罷任奉  
朝請踰月拜兵部員外郎知制誥充會靈觀判官朝議  
以黃目屬辭淹緩遷右諫議大夫權知開封府仁宗升  
儲拜給事中兼左庶子歷知審官院以風疾題品乖當  
改知通進銀臺司兼門下封駁事數月求外任得知毫  
州卒年五十六黃目面柔簡默爲吏處劇亦無敗事有



集五十卷又撰學海搜奇錄四十卷郡國志二十卷兄  
黃裳弟黃庭黃裳孫滋竝進士及第

柴成務字寶臣濟陰人父自牧第進士能詩至兵部員  
外郎成務乾德中京府拔解太宗素知其名首薦之遂  
中進士甲科歷戶部郎中爲光祿少卿俄奉使高麗遠  
俗尚拘忌以月日未利拜恩稽留朝使成務貽書往反  
開諭大體國人信服後自京東轉運使召拜司封郎中  
知制誥時以宰相呂蒙正姻嫌辭職不許俄與魏庠同  
知京朝官考課又與庠同知給事中事蜀寇平使峽路  
安撫改左諫議大夫知河中府真宗卽位遷給事中知

梓州歷青州揚州判尚書刑部本司小吏倨慢成務怒  
而笞之吏擊登聞鼓訴寃有詔問狀成務嘆曰何面目  
據堂決事邪乃求解職卒年七十一成務有詞學文集  
二十卷然爲郡乏廉稱云

論曰謝泌朱台符孫何戚綸竝喜論建輒援古昔爲言  
可以徵致君匡世之志矣張去華負才競進世少其浮  
薄樂黃目劇無敗事且著述世其家吏而儒者也孔  
門論士有曰奉使不辱命柴成務以之

宋史新編卷八十四

楊傑字子華華州郃陽人少孤有志操年十五能屬文及長博學有文才

宋史新編卷八十五

列傳二十七

明南京戶部主事黃田柯維騏編

喬維岳

王陟

張雍

董儼

魏廷式

盧琰

宋搏

凌策

楊覃

陳世卿

李若拙

子繹

陳知微

喬維岳字伯周南頓人治三傳周顯德初登第宋初擢太子中舍判諸州改殿中丞太宗時遷至戶部郎中歷淮南兩浙轉運使知懷滄等州屬真宗以壽王尹京擇為府推官儲闈建兼左諭德轉太常少卿京府事繁維岳與司錄王陟皆以明幹稱及踐阼即命維岳與畢士

安權知開封府拜給事中知審官院維岳陳乞外遷小州上嘉其靜退特授海州刺史又知蘇州素病風上以吳中多食魚蟹乃徙壽州仍命醫馳療之卒年七十六贈兵部侍郎維岳性仁恕其爲轉運使按部至泗州慮獄法掾誤斷囚至死懼獲罪泣曰有八十老母在維岳憫之爲任其咎後朝制按問而維岳坐贖金云

王陟者上黨人第進士累遷判三司鹽鐵勾院初真宗念京府之舊將加擢用會有言其在貢部舉子有納賄成名者恃恩寵希顯要僦大第以居事遂寢

張雍德州人治毛氏詩開寶六年中第釋褐東關尉太

宗遷至祕書丞充開封府推官坐寃獄免後復用歷充戶部使西川轉運使知梓州蜀州青城民王小波李順作亂衆至萬人雍訓練士卒募彊勇守城輦綿州金帛以實帑藏督僚佐陳世卿等治戎器伐木爲竿銷鍾爲鏑紐布爲索賊設梯衝火車攻城急發機石碎之火箭雜下賊稍退復治攻具城西北隅雍給曰軍士趣治裝吾將開東門擊賊陽遣步騎五百臨東門賊升牛頭山瞰城內信然伏精兵萬餘山之東隅以待雍卽召敢死士百輩縋而下盡焚其攻具自午達申殆盡賊以爲神凶黨數乘城進戰皆不利一日北風晝晦賊乘風縱火

急攻北門雍與盧斌等領兵掘門立矢石間固守不動賊爲之少却長圍八十餘日會援兵至賊始潰去事聞手詔褒美擢雍等官雍累遷兵部侍郎同知審官院景德四年車駕朝陵判留司尚書省出知鄧州大中祥符元年請老以尚書右丞致仕誥命未至而卒年七十雍性鄙吝莅事勤恪善爲米鹽苛察以肅下恃其清幹受遇於時益矯厲以取名譽所至藩鎮宴犒率皆裁節聚公錢爲羨餘輸官帑集會賓佐糲食而已在三司置簿籍有按前急馬前急急中急之目頗爲時論所訾姿貌魯朴始登科爲滕中正壻中正子錫世寧咸笑之中正

曰此人異日必顯達壽考非汝曹所及錫兄弟雖有名然終不越郎署亦無着年者

董儼字望之洛陽人第進士歷右補闕知光州儼狂躁務進上書乞還京師太宗怒降爲祕書丞歷刑部郎中三司度支副使又坐翟馬周事左官累遷判吏部銓加工部侍郎儼與知雜御史王濟姻家託濟言於西川轉運黃觀求薦已知益州未幾觀領陝西轉運得對儼謂其必薦已他日面陳黃觀無操持恐爲執政所使妄有論薦俾臣遠適真宗不之詰數日王濟見帝述儼私託且言儼性矯詐臣語觀不可許真宗不欲暴其事乃出

儼知青州儼復請對言爲權臣所擯上慰遣之久而不去乃曰爾自告黃觀求知益州復有何人排斥乎遣使陝西質問觀觀具述儼求薦及曩時爲儼所領事詔樞密直學士劉綜與御史雜治之儼坐責山南東道節度行軍司馬不署州事後會赦起知郢州病疽卒儼俊辯有才幹第寡學術無操行所至厚納貨賂嘗令引贊吏改製朱衣每夕納儼第而潛以輕帛製衣易之其鄙屑如此

魏廷式字君憲宗城人太平興國五年中第釋褐朗州法曹掾歷戶部員外郎知利州李順爲盜就命充陝西至益州路轉運使後入奏事太宗謂曰有事當白中書廷式曰臣三千七百里外乘驛而至以機事上聞願取斷宸衷非爲宰相來也卽不時召對問方略稱旨賜錢五十萬令還任召入判大理寺出知宋潭二州又知桂州遷至工部郎中真宗累拜右諫議大夫知審刑院出知涇州卒廷式剛果敢言爲人主厚遇然性傾險喜中傷人士君子憚其口而鄙其行

盧琰字錫圭淄州人父浚右諫議大夫琰第進士歷開封府判官會獄空真宗有詔獎之歷拜右諫議大夫知永興軍府再爲河北轉運使琰勤吏職所至以幹集聞

宋史新編卷之五  
頗知命嘗語親舊曰官五品服三品天不與者壽爾卒  
年五十九子士宗自有傳

宋搏字鵬舉萊州掖人治毛氏詩開寶八年宋準典貢  
部得第調補遂寧尉歷遷至司封員外郎河東轉運使  
時邊事未息屯師甚廣搏經制漕運以幹治稱連徙他  
州郡輒乞留真宗有詔褒飭朝議以搏善職就加祠部  
郎中賜金紫既而入判三司勾院踰月爲戶部副使又  
進秩刑部郎中卒子舜元登進士第

凌策字子奇宣州涇人世給事州縣策幼孤厲志好學  
第進士歷官職方員外郎直史館知廣州代還知青州  
真宗東封以供億之勤超拜都官郎中入判三司三勾  
院出知揚州改江南轉運使拜右諫議大夫集賢殿學  
士知益州初策登第夢人以六印加劍上遺之其後往  
劍外凡六任云策所至有治迹真宗嘗稱其敏而有斷  
蜀還有意擢用會已病命知通進銀臺司兼門下封駁  
事糾察在京刑獄未幾拜給事中權御史中丞以疾表  
求典益遷工部侍郎從其請卒

楊覃字申錫浙人從錢俶歸朝爲禹城尉太平興國八  
年第進士本名蟬太宗爲改焉淳化中轉屯田員外郎  
同判壽州巡撫使潘慎脩上其績詔嘉獎就命知州事

丁內艱州民列狀乞留詔奪情時田重進爲永興節度  
選覃與林特同判軍府事重進不法覃事多抗執觸其  
怒覃表求徙任不許遷至屯田郎中判三司磨勘憑由  
理欠司嘗獻時務策五篇出爲陝西轉運使時西鄙屯  
田調役甚繁副使朱台符務有爲而覃務循舊坐不協  
徙知隨州王超節制漢東覃移唐州景德二年召歸屬  
河北兵革之後命詣諸州巡撫振給之出知潭州王師  
討宜賊軍須多出長沙詔書褒勞加刑部郎中大中祥  
符二年代馮亮爲淮南江浙荆湖制置發運使月餘改  
太常少卿直昭文館知廣州覃勤於吏事所至以幹濟

稱南海有蕃舶之利守者多致謗議惟覃以廉著遠人  
便之加右諫議大夫卒從弟蛻從子侃傳竝登進士第  
侃後名大雅自有傳

陳世卿字光遠南劔人登進士第歷度支員外郎荆湖  
北路轉運使屬澧州慈利縣下溪等四州蠻人侵縣境  
地四百餘里朝命世卿與閣門祗候史方知澧州劉仁  
霸同領兵討之遂還所侵地標正經界取其要領又令  
納所掠漢口千餘復置澧川武口等砦以控制之自是  
平定詔嘉獎還朝屢述溪洞利害召對真宗器其材復  
自言願効用於煩劇乃授祕書少監知廣州郡有計口

宋史新編卷之五  
買鹽之制不便於民至卽奏除之未幾卒

李若拙字藏用京兆人父光贊員外觀察判官若拙蔭補太廟齋郎復舉拔萃授大名府戶曹參軍又舉進士上第授密州防禦推官登賢良方正直言極諫科太祖嘉其敏贍改著作佐郎上書陳乞爲執政所惡出監商州阮冶遷太子左贊善大夫以官稱與父名同辭不許太平興國二年知乾州詿誤削籍流海島後復官歷右補闕同勾當河東轉運兼雲應等八州事又同掌水陸發運司雍熙三年假祕書監使交州黎桓制度踰僭若拙旣入境卽遣左右戒以臣禮繇是桓聽命燕饗日以

奇貨異物列于前若拙一不留盼上謂其不辱命遷起居舍人充鹽鐵判官歷兵部郎中充史館脩撰俄知制誥以疾改右諫議大夫車駕北巡判留司御史臺旣而使河朔按邊事知昇貝二州卒子繹

繹字縱之幼勤原自脩初以父使交趾有勞補太廟齋郎改太常寺太祝舉進士中第除將作監丞累遷太常少卿再知延州繹所至頗稱治自以父宦在外意不自得作五知先生傳謂知時知難知命知退知足也嘗兩知鳳翔府至是又徙鳳翔尋爲右諫議大夫卒

陳知微字希顏高郵人進士甲科歷戶部判官京東轉



運副使奏還東平監所侵民田六百八十家又決古廣  
濟河通運路罷夾黃河歲減夫役數萬計遷右司諫徙  
荆湖南路轉運使召還拜比部員外郎知制誥累官判  
司農寺糾察在京刑獄天禧二年加玉清昭應宮判官  
卒知微沉厚有材幹不務皦察時人許其處劇惜其母  
老不克終養有集三十卷子堯卿進士及第

論曰宋祖重監司守令之選至太宗真宗彌加飭勵凡  
有興利剗蠹理繁剗劇號幹敏者率褒賚而寵擢之若  
喬維岳等皆是已盧琰宋搏凌策陳世卿其操行無所  
於稽維岳則仁恕也李若拙則凝重也張雍楊覃則脩

潔也至於董儼魏廷式陳知微不免有貪競險刻虧孝  
之累豈所謂才勝德者歟

上官正

康保裔秦傳盧斌

周密玉

裴濟

李繼宣 張旦

張煦

張佶

上官正字常清開封人少舉三傳初歷作坊副使劔門  
都監李順之黨趨劔門正與監軍宿翰合擊斬馘殆盡  
奏至詔書獎飭超正爲六宅使劔州刺史充劔門部署  
翰自供奉官擢崇儀使領昭州刺史餘寇匿山谷剽劫  
爲患正諭降之未幾加峯州團練使與雷有終竝爲西

川招安使代王繼恩正木彊好凌人自謂平賊有勞受人主知無所顧忌數面攻兩川官吏之短而暴揚之衆積怨怒多上章訴其不法者太宗賜手札戒諭曰言者君子之樞機樞機之發榮辱之主不可不慎也儻自恃無瑕而好面攻人之短豈謂喜怒不形於色耶當以和輯遠民爲念斯盡善矣正上表謝真宗立累遷至洛州防禦使歷知同州再表引年授左龍武軍大將軍平州防禦使分司西京尋以本官致仕卒

康保裔洛陽人祖志忠後唐長興中討王都戰歿父再遇爲龍捷指揮使建隆初從征李筠又歿於陣保裔在

周朝屢立功太祖詔保裔代父職歷事太宗真宗遷至彰國軍節度并代都部署徙知天雄軍并代人列狀請留詔褒之復爲高陽關都部署契丹兵大入諸將戰于河間保裔選精銳赴之會暮約詰朝合戰遲明敵圍之數重衆勸易甲馳突以出保裔不可遂決戰二日多殺傷蹴踐塵深二尺兵盡矢絕援不至死之贈侍中錄其子繼英繼彬繼明繼宗孫惟一繼英等入謝真宗惻然謂左右曰保裔世有忠節深可嘉也又封其母妻保裔謹厚好禮喜賓客善騎射弋飛走無不中嘗握矢三十引滿以射筈鏑相連而墜貸公錢數十萬勞軍沒後親

宋史新編卷之三十一  
九  
吏鬻器玩以償上知之復厚賜焉繼英至左衛大將軍  
貴州團練使嚴於馭軍厚於撫宗族家無餘財云

秦傳序江寧人淳化五年充夔峽巡檢使李順之亂城  
中乏食傳序出囊橐服玩盡市酒肉以犒士卒慰勉之  
城壞傳序赴火死傳序家寄荆湖間子奭遡峽求父屍  
溺死人以爲父死於忠子死於孝奏至太宗嗟惻久之  
錄其次子賜其家錢十萬

盧斌開封人以筆札事晉邸太宗卽位補殿直雍熙中  
領兵屯霸州會大舉北伐令以五千騎隨曹彬抵岐溝  
時契丹據河王師乏水斌請以千弩斫砦契丹遁去遂

移軍夾河旣克涿州令斌以萬人戍守會食盡大兵將  
還斌因言涿州深在北境守之無利今若還師必須結  
陣而去以一陣之役比於固守其利百矣復慮遼人乘  
便剽襲宜爲之備彬以爲然遂令斌擁城中老幼竝狼  
山南還易州彬之旋也無復行伍果爲契丹所乘諸將  
皆被譴斌亦下樞密院問狀帝聞其聿議棄涿州遂釋  
不問以爲霸州破虜軍緣邊巡檢歷梓遂十二州都巡  
檢使帝諭以兵事便宜不須中覆歷擢西京作坊使領  
誠州刺史斌在川陝六年以孤軍禦寇累立戰功表求  
入奏帝遣諭曰俟妖孽盡殄當召汝旣而賊黨集梓縣

漢三州境上斌往平之未幾代還帝親加勞問拜東上  
閣門使檢校左僕射加食邑三百戶厚賚之尋命爲銀  
夏兵馬鈐轄遣與李繼隆等討李繼遷改授靈環路鈐  
轄領兵二萬爲前鋒令於烏白池與諸軍會斌謂李繼  
隆曰靈州抵烏白池月餘方至若自環州橐駝路裁十  
日程卽不俟詔而往與諸將失期不見賊而還俄徙屯  
寧州以疾召歸勾當軍頭引見司卒

周審玉開封人周顯德初蔭補殿直太祖累遷西京作  
坊使雍熙中契丹犯塞潘美屯師定州審玉爲監軍嘗  
與敵戰而先鋒劉緒陷於賊審玉蹕馬趣擊拔緒而還

淳化中知貝州有驍捷卒戍州者三十七人謀殺審玉  
以叛推虞候趙咸雍爲首審玉覺之與轉運使王嗣宗  
率兵悉擒其黨磔咸雍於市咸雍父鱗晉天福中嘗誘  
契丹屠州城至是五十年而其子戮於都市舊老猶記  
其事咸異之審玉以功領順州刺史至道初徙并州鈐  
轄咸平初知鳳翔府以目疾代還奏朝請母終謂人曰  
僕齒髮遲暮而未能辭祿仕者以母在也今可行其志  
矣拜章請老得千牛衛大將軍致仕卒

裴濟字仲溥聞喜人少事晉邸太宗卽位補殿直累遷  
西上閣門使定州都監鈐轄尋知州事淳化中爲鎮州

行營鈐轄又與李繼隆擊賊於唐河短兵陷陣賊大敗走優詔褒美初繼隆以濟性剛不悅之及是撫濟恨相知晚在鎮定凡十五年威績甚著歷知天雄軍咸平初李繼遷叛以濟領順州團練使知靈州兼都部署至州二年謀緝八鎮興屯田之利民甚賴之其年清遠軍陷夏人大集斷饗道孤軍絕援濟刺指血染奏求救甚急兵不至城陷死之上聞嗟悼特贈鎮江軍節度三子竝優進秩濟兄麗澤弟麗正竝進士及第

李繼宣浚儀人乾德中補右班殿直年十七命往陝州捕虎殺二十餘生致其二及一豹以獻初與明德皇后

兄名同太宗爲改焉雍熙三年曹彬北征繼宣時爲貝州監軍從先鋒李繼隆至方城力戰三日大軍繼至遂克固州又乘勝追北連敗之斬其酋賀恩相公大軍還雄州取芻糧遇契丹新城疾戰至暮繼宣中十創劒及堯蓋明日復戰繼隆爲敵所邀繼宣以所部兵救之且戰且行奪涿河數日乃至涿州及棄州保岐溝關又戰拒馬上追奔至孤山契丹乃引去以功超授崇儀使代王繼恩爲易州駐泊都監後爲高陽關行營都監又爲鎮定高陽關三路排陣都監咸有破契丹功徙知保州又徙定州行營都監又改高陽關遷至南作坊使爲鎮

宋史新編卷之五  
州行營鈐轄及權知威虜軍又屢有功咸平四年拜西  
上閣門使領康州刺史爲前陣鈐轄與秦翰楊延昭楊  
嗣分屯靜戎威虜敵至會師于威虜延昭嗣輕騎先赴  
羊山繼宣留壁赤虜止以二騎繼進至則延昭嗣適爲  
敵所乘繼宣卽召赤虜之師與翰合大戰敵走上羊山  
繼宣逐之環山麓至其陰馬連中天斃凡三易騎進至  
牟山谷大克捷詔書稱獎特加檢校官及食邑明年徙  
定州鈐轄扞契丹于唐河未幾受詔與內殿崇班王汀  
代楊延昭楊嗣爲緣邊都巡檢使望都之敗敵騎剽郡  
縣又寇靜戎繼宣未嘗出戰爲汀等所發降爲如京副

使後還舊秩歷擢鎮定兩路鈐轄進奉門使召還  
改鄆州部署加四方館使以疾授西京水南都巡檢使  
卒

張旦趙州人勇敢善射以經學中第至國子博士淳化  
中知陵州州無城堡兵不滿三百會李順賊黨數萬來  
攻旦修戰具置鹿角砦驅市人與戰大敗之詔書褒美  
遷省郎賜緋魚由是知名西川招安使上官正薦知雅  
州賜金紫遷至兵部員外郎又改尚食使知德清軍景  
德中契丹入寇旦與其子利涉戰沒贈旦左衛大將軍  
深州團練使利涉崇儀副使錄四子官又虎翼都虞候

胡福金創徧體猶奮劔轉闕副指揮使尚祚能運大槓  
並多所擊殺衆寡不敵遂與指揮使張睿劉福都頭輔  
能等四人俱死之各贈官有差

張煦字輔暘開封人開寶末補府中牙職雍熙中歷內  
殿崇班鎮定等路都巡檢使契丹騎兵剽境上煦以所  
部斬首數十走之有詔褒美拜供備庫副使歷知保安  
軍咸平中王均亂蜀以煦爲綿漢劔門路都巡檢使以  
功就遷正使徙益州都監夏人寇邊再改邠寧環慶路  
鈐轄兼巡檢安撫都監累躡寇入賊中掩殺甚衆復有  
褒詔旣而移西路與張凝等援靈武至鎮戎聞靈武已

陷復還本任與凝入西夏境夏人率衆邀戰大敗之凝  
按部歸環州道爲敵所邀煦聞自慶州赴之一夕與凝  
會射殺其大將景德初復爲涇原儀渭鎮戎鈐轄再知  
環州宜州陳進反命副曹利用討之賊平改如京使知  
懷州累遷西上閣門使歷知諸州卒煦明術數善相宅  
時稱其妙

張佶字仲雅華州人初名志言父昉殿中少監佶少有  
志節用蔭補殿前承旨歷州縣遷至國子博士咸平中  
擢至利州路轉運使有薦其武幹者授如京使涇原鈐  
轄兼知鎮戎軍徙麟府路鈐轄夏人來寇佶親射殺會

帥俘獲甚衆詔書褒之景德中爲益州鈐轄威惠並著  
蜀人久猶懷焉祥符中又爲郾延鈐轄馬知節薦知秦  
州遷至騏驎使佶至州置砦拓疆邊部頗怨又臨渭置  
采木場戎人不之爭移帳而去佶不甚存撫亦不奏加  
賚賜邊人追悔引衆劫掠爲佶所敗議者又欲加恩宗  
哥立遵等族以扼平夏佶請拒絕之朝廷始務寧邊以  
佶輕信易事徙邠寧路鈐轄天禧中擢官至西上閣門  
使復爲涇原鈐轄卒佶涉獵書史好吟詠勇敢善射有  
方略其總戎護塞以威名自任

論曰昔楚王伐吳見怒蛙而軼之所以勗士大夫也然

則忠勇之臣生被寵榮死霑褒恤固勸世之常典乎上  
官正等或奮儒生或起門蔭牙校居然負將帥材方妖  
孽亂蜀黠虜擾西北諸人者守封疆冒鋒鏑咸著勞績  
若裴濟張旦康保裔秦傳序隕首無避其節尤偉云

王延德

常延信程德玄  
魏震張質附

楊允恭

秦義

謝德權

閻日新靳懷德附

王延德東明人父溫宣祖掌畿甸兵與厚善延德方總  
角宣祖愛其謹重召置左右太宗尹京署爲親校專主  
庖膳尤被倚信卽位每延訪外事自御廚副使遷正使  
加尚食使改皇城使進至昭宣使加領平州防禦使真



宗嗣位改領懷州出知華州上幸大名爲東京舊城都  
巡檢使以病請告遣還本郡卒贈邕州觀察使延德所  
至好撰集近事史官修太祖太宗實錄多訪國初事上  
太宗南宮事迹三卷同時又有大名人王延德亦緣晉  
邸進歷事真宗終左千牛衛上將軍知鄆青二州嘗以  
罪貶秩旣而復之人頗惡其傾險云

常延信并州人祖思仕周爲節度使延信遷至六宅使  
領郡職宋初歷梓遂十二州都巡檢使太平興國初秩  
滿留再任歷襄鄧宋曹等州都巡檢使遷至左監門衛  
將軍屢部徒脩護河防改左領軍左屯衛二將軍充西

京水南都巡檢使有盜掠彭婆鎮及甲馬營馳往悉擒  
之咸平中歷太康鞏縣二監軍卒

程德玄字禹錫榮澤人善醫術太宗尹京邑署押衙卽  
位累官判四方館事領本州團練及防禦使坐市秦隴  
竹木爲王仁贍所發責授東上閤門使領本州刺史是  
冬車駕幸魏府命總御營四面巡檢掌給諸軍資糧德  
玄以舊恩益被親信趨附者甚衆或言其交游太盛遂  
出爲崇信軍節度行軍司馬後復拜慈州刺史歷知環  
鳳慶三州咸平中知并州兼并代副都部署移鎮州代  
歸卒贈鄭州防禦使

魏震不知何許人初用祖蔭當補廷職自以習詞業不屑就太宗在藩邸有薦其材者召置左右卽位歷供奉官雍熙初溫州進瑞木成文震作詩賦以獻拜崇儀副使知保州會諸將北伐爲幽州西北路鈐轄下飛狐蔚州以功就遷爲使知蔚州再知保州移秦州鈐轄歷知盧澶二州進至東上閣門使知鳳州坐事免起爲洛苑使知洪州已復舊秩知定代二州竝兼行營鈐轄卒

張質字守朴高唐人隸樞密院兵房頗爲趙普曹彬所知累官右神武軍右衛二大將軍轉都承旨質練習事程精敏端慤未嘗有過本院吏罕有遷至都承旨者真

宗素知質廉謹故以授之嘗召問五代以降洎國初軍籍更易之制且命條具利害質纂上三篇目曰兵要帝覽而善之質好養生之術老而不衰以是多接方士隱人然語不及公家事卒年七十四

楊允恭綿竹人少儻任俠乾德中丁德裕討賊至州允恭以策干之署綿漢招收巡檢賊平補殿前承旨太平興國中歷廣連都巡檢使以海鹽盜入嶺北民犯者衆請建大庾縣爲軍官輦鹽市之詔建爲南安軍自是少冒禁者有海寇聚黨凡五百餘允恭造輕舸擒斬其魁餘黨匿山谷伐木開道悉殲焉又抵漳泉賊所止處

盡奪先所劫男女六十餘口還其家詔書嘉獎轉供奉  
官詔歸改內殿崇班時緣江多賊命督江南水運以功  
轉洛苑副使江淮兩浙都大發運摩畫茶鹽捕賊事轉  
西京作坊使緣江權務廢置事宜鹽鐵使陳恕等是其  
議詔從之卽命爲發運使始改摩畫爲制置巢廬江二  
縣舊隸廬州道遠多寇民輸勞費允恭請以二縣建軍  
詔許之淮南十八州軍其九禁鹽民利商鹽賤販者益  
衆至有持兵器往來爲盜者允恭請悉禁而官遣吏主  
之三司駁其議允恭再三爲請太宗從之是歲收利巨  
萬允恭與王子輿秦義同主茶鹽之任多作條制遂變

新法真宗卽位改西京左藏庫使議革川峽鐵錢之弊  
未卽行俄知通利軍兼黃御河發運使會議減西鄙屯  
兵以息轉餉召允恭等往經度允恭因建議自環州入  
積石抵靈武其費頗煩莫若用諸葛亮木牛之制以小  
車發卒分鋪運之旁設兵衛以防寇爲議者所沮而止  
復遣之任又議江淮鹽鐵使陳恕力爭詔從允恭議加  
領康州刺史王均亂蜀以爲荆湖江浙都巡檢使卒初  
李順兄自榮據綿竹允恭兄允升弟允元率鄉里子弟  
併力破之又爲王師鄉導執自榮詣劔門以獻詔竝授  
縣令明年召赴闕授允升右贊善大夫允元大理評事

允恭子可咸平元年進士喜屬文有吏幹

秦羲字致堯江寧人世仕江左父承裕建州監軍使知州事李煜之歸朝也承裕遣羲詣闕上符印太祖悅其趨對詳謹補殿直太平興國中有南唐軍校馬光璉等亡命荆楚結徒為盜羲受詔縛光璉以獻積勞改西頭供奉官歷提點淮南西路茶鹽得羨餘十餘萬遂與允恭同為江淮制置擢授閣門祇候兼制置礬稅咸平中淮南權鹽荆湖捕盜俱有勞累遷供備庫使知江陵府坐舉官不如狀削秩復起漸還舊秩充廣州鈐轄遷至內園使知泉州卒羲好為詩喜賓客頗有士風歷財貨

之任凡十餘年精勤練習號為稱職

謝德權字士衡福州人父文節初仕王氏後入南唐為饒州團練使周世宗南征文節獨擐甲度大江潛覘敵壘吳人號為鐵龍後守鄂州拒宋師戰沒李煜署德權莊宅副使歸宋補殿前承旨累勞遷至閣門祇候廣韶英雄連賀六州都巡檢使代歸提點京城倉草場命廣京城衢巷會兇人劉擘僧澄雅訟執政與許州民陰構西夏為叛者真宗詔溫仲舒謝泌鞫問德權監之既而按驗無狀對便殿泌曰追攝大臣獄狀乃具德權曰若使大臣無罪受辱則人君何以使臣臣下何以事君仲

舒曰德權所奏甚善帝乃可之命城新樂縣遷供奉官  
 又命浚北平砦濠葺蒲陰城又遷內殿崇班提轄三司  
 衙司德權為設條制勢家不得避重役上稱其有守又  
 命提總京城四排岸領護汴河兼督輦運建議廢京師  
 鑄錢監徙西密務于河陰大省勞費改崇儀副使兼領  
 東西八作司祥符東封命同計度發運遷供備庫使預  
 修玉清昭應宮與同事劉承珪議不合日忿爭不能奪  
 遂求罷復領京城倉草場導金水河自皇城西環太廟  
 十餘里出知泗州進秩西染院使遣之德權清苦好興  
 功利多所經畫見官吏徇私者必面斥所至整肅然喜  
 采察纖微聞于上為眾所惡云

閻日新宿州人少為本州牙職補三司使役吏淳化中  
 選隸壽王府主郎中記簿真宗累遷如京使領萬州刺  
 史上朝陵東封皆命為行宮使改文思使日新起胥吏  
 好云為以進取屢請對多所建白且自陳筋力尚壯願  
 正授刺郡守邊城以効用俄真拜坊州刺史知渭州兼  
 涇原路駐泊鈐轄後歷數州終右領軍衛大將軍昭州  
 團練使

靳懷德高唐人祖昌範殿中丞父隱禹城令懷德太平  
 興國中明法解褐廣安軍判官歷虞部比部員外郎通

宋史新編卷八十五  
判莫州知德州咸平中契丹入寇懷德固守城壁有詔  
褒之徙知密州換如京使知邳州懷德本名湘與寇準  
父名同景德中準方爲相懷德素遊其門因改焉俄知  
滄州吏民借留累遷益州鈐轄加領長州刺史懷德歷  
官以強幹稱然酗酒多失將行別詔戒勗就遷北作坊  
使在劔外軍民甚畏愛之復以善職入拜西上閣門使  
改領昭州刺史知澶州是州居水陸之要悉心撫治頗  
著聲譽又知陝州歸闕卒

論曰宋初用人之塗頗廣苟有知能可當事任不必明  
經射策咸被採拔得效其所長而恩寵與文吏等觀王  
者乎  
延德以下十一人者旣可見矣若楊允恭秦義閑於韜  
略區畫山海之利及漕餉之宜經費賴之謝德權清強  
幹敏力爭大臣不可受辱與漢賈誼之議無異斯最優  
者乎

宋史新編卷八十五

宋史新編卷八十六

列傳二十八

明南京戶部主事莆田柯維騏編

王欽若 林特附

丁謂

夏竦 子安期

王欽若字定國新喻人年十八獻平晉賦於太宗後擢進士甲科歷太常丞判三司理欠憑由司時母賓古為度支判官嘗言曰天下逋負自五代迄今理督未已民不能勝僕將啓蠲之欽若一夕命吏勾校成數翌日上之真宗大驚曰先帝顧不知邪欽若曰殆留與陛下收人心爾帝即日行之由是益器重欽若召試學士院拜右正言知制誥召為翰林學士蜀寇王均始平為西川

安撫使還授左諫議大夫參知政事加給事中河陰民  
常德方訟臨津縣尉任懿賂欽若得中第事下御史臺  
初欽若知貢舉懿舉諸科寓僧仁雅舍仁雅識僧惠泰  
者與欽若厚懿與惠泰約賂欽若書其數於紙會欽若  
已入院屬欽若客納所書于妻李氏李氏令奴祁睿書  
懿名於臂并以所約告欽若御史中丞趙昌言請逮欽  
若屬吏祁睿本毫小吏雖從欽若而名猶隸亳州欽若  
乃言嚮未有祁睿惠泰亦不及門帝方顧欽若厚命邢  
昺等別鞫之懿更云妻兄張駕識知舉官洪湛嘗俱造  
湛門始但屬二僧不知達主司爲誰昺等遂誣湛湛適

使陝西還而獄已具時駕且死睿又遁去無證驗湛坐  
竄死景德初契丹入寇欽若自請北行判天雄軍素與  
寇準不協及還累表願解政事罷爲刑部侍郎置資政  
殿學士以寵之準定其班在翰林學士下欽若訴於帝  
復加大字班承旨上以尚書左丞知樞密院事修國史  
大中祥符初爲封禪經度制置使天書儀衛副使先是  
真宗嘗夢神人言賜天書於泰山卽密諭欽若欽若因  
得之授中使馳奉以進封禪禮成遷禮部尚書命作社  
首頌遷戶部尚書從祀汾陰復爲天書儀衛副使遷吏  
部尚書明年爲樞密使檢校太傅同中書門下平章事



宋史新編卷之三十一  
聖祖降加檢校太尉七年爲同天書刻玉使上玉皇尊  
號遷尚書右僕射判禮儀院爲會靈觀使有龜蛇見拱  
聖營因其地建祥源觀命欽若總領之尋拜左僕射兼  
中書侍郎同平章事明年爲景靈使又明年商州捕得  
道士譙文易畜禁書能以術使六丁六甲神自言嘗出  
入欽若家得欽若所遺詩帝以問欽若謝不省遂以太  
子太保出判杭州仁宗爲皇太子自以東宮師保請歸  
朝復爲資政大學士拜司空尋除山南道節度使同平  
章事判河南府與宰相丁謂不相悅以疾請就醫京師  
不報令其子從益移文河南府輿疾而歸謂言欽若擅

去官守降司農卿分司南京奪從益一官仁宗卽位歷  
拜司空門下侍郎同平章事玉清昭應宮使昭文館大  
學士真宗實錄成進司徒以郊祀恩封冀國卒贈太師  
中書令謚文穆錄親屬及所親信二十餘人欽若嘗言  
少時過圃田夜起視天中赤文成紫微字後使蜀至褒  
城道中遇異人告以他日位至宰相旣去視其刺字則  
唐相裴度也及貴遂好神仙事建壇場以禮神朱書紫  
微陳於壇上表脩裴度祠於圃田自撰文紀其事真宗  
封祀言符瑞皆欽若與丁謂倡之所著封祀書甚衆欽  
若自以深達道教多所建明領校道書凡增六百餘卷

狀貌短小項有附疣時人目爲癭相智數過人每朝廷有所興造委曲遷就以中帝意又性傾巧敢爲矯誕馬知節嘗斥其姦狀帝亦不之罪其後仁宗嘗謂輔臣曰欽若久在政府觀其所爲真姦邪也王曾對曰欽若與丁謂林特陳彭年劉承珪時謂之五鬼誠如聖諭林特者字士奇家順昌十歲謁江南李景獻所爲文命作賦有頃而成授蘭臺校書郎江南平僞官皆入見特袖文以進太宗以爲長葛尉歷永興通判呂蒙正辟通判西京留守事入相薦之判三司戶部勾院鹽議異同特所奏合旨累遷尚書祠部員外郎爲戶部副使詔赴內朝

三司副使預內朝自特始徙鹽鐵副使真宗北征命同知留司三司公事車駕謁陵封泰山祀汾陰皆爲行在三司副使歷爲脩宮副使遷至尚書工部侍郎真拜三司使樞密使寇準言特姦邪又數與爭事帝爲出準特在職如故後累轉尚書右丞時天下完富丁謂以符瑞土木迎帝意而以特有心計使幹財利佐之然特亦善附會故謂始終善特仁宗卽位進刑部尚書翰林侍讀學士謂貶特亦落職知許州還朝以戶部尚書知通進銀臺司判尚書都省勾當三班院卒贈尚書左僕射特精敏喜吏職据案終日不倦真宗數訪以朝廷大事特

因有所中傷人以此憚焉

丁謂字謂之更字公言長洲人少與孫何友善同袖文  
謁王禹偁大驚重之以爲自唐韓愈柳宗元後二百年  
始有此作世謂之孫丁進士甲科歷夔州路轉運使蠻  
地饒粟常乏鹽謂聽以粟易鹽蠻人大說由是屯兵之  
州不須轉餉施之諸砦積聚皆可給特遷秩賜金累擢  
知制誥判吏部流內銓景德四年契丹犯河北真宗幸  
澶淵以謂知鄆州兼濟濮等州安撫使明年召爲右諫  
議大夫權三司使上會計錄詔獎之尋加樞密直學士  
大中祥符初議封禪謂對大計有餘議乃決因詔謂爲

計度秦山路糧草使遷給事中真拜三司使又屢爲修  
宮使遷至參知政事歷兵部尚書保信軍節度使天禧  
三年以吏部尚書復參知政事時寇準爲相尤惡謂謂  
媒蘖其過遂罷準拜謂同中書門下平章事周懷政事  
敗帝意欲謫準江淮間謂退除道州司馬王曾以帝語  
質之謂顧曰居停主人勿復言蓋指曾以第舍假準也  
其後謂欲引所善林特爲樞密兼東宮官李迪斥之語  
在迪傳於是二人俱罷相以謂爲戶部尚書尋出知河  
南府迪知鄆州明日入謝謂復留仍進尚書左僕射門  
下侍郎平章事兼太子少師乾興元年封晉國公仁宗

卽位進司徒兼侍郎爲山陵使寇準李迪再貶謂取制  
草改曰當醜徒干紀之際屬先王違豫之初罹此震驚  
遂至沈劇凡與準善者盡逐之是時二府定議太后與  
帝五日一御便殿聽政旣得旨而謂潛結內侍雷允恭  
傳達中旨同列不與聞允恭倚謂勢益橫無所憚允恭  
方爲山陵都監擅易皇堂地土石相半衆懼不能成功  
奏請待命謂庇允恭依違不決內侍毛昌達自陵還奏  
詔問謂謂始請遣使按視旣而咸請復用舊地詔遣王  
曾覆視遂誅允恭後數日太后與帝坐承明殿召馮拯  
等諭曰丁謂爲宰輔乃與宦官交通且陵寢擅易幾誤

大事乃降謂太子少保分司西京仍榜朝堂布諭天下  
先是女道士劉德妙者嘗以巫師出入謂家謂敗逮繫  
德妙內侍鞫之德妙通款謂嘗教託老君言禍福足以  
動人於是卽謂家設神像夜醮于園中允恭數至請禱  
及帝崩引入禁中謂又作頌題曰混元皇帝賜德妙語  
涉妖誕遂貶崖州司戶參軍諸子竝勒停祀又坐與德  
妙姦除名配隸復州籍其家得四方賂遺不可勝紀其  
弟誦說諫悉降黜坐謂罷者自參知政事任中正而下  
十數人謂後徙雷州又徙道州明道中授祕書監致仕  
居光州卒謂儉狡過人三司案牘繁委吏乂難解者一

言判之衆皆釋然尤喜爲詩至於圖畫博奕音律無不洞曉真宗朝營宮觀奏祥異多謂與王欽若發之初議營昭應宮料工須二十五年謂日役四萬人以夜繼晝每繪一壁給二燭七年乃成真宗崩議草遺制軍國事兼取皇太后處分謂乃議去權字語在王曾傳及太后稱制又議月進錢充宮掖之用由是太后深惡之其竄也併錄前後欺罔事焉謂初判饒州遇異人曰君貌類李贊皇旣而曰贊皇不及也

夏竦字子喬德安人父承皓上平晉策於太宗補右侍隸大名府契丹內寇承皓繇間道發兵夜與契丹遇力戰死之贈崇儀使錄竦縣簿竦明敏好學自經史百家陰陽律曆外至佛老之書無不通曉爲文章典雅藻麗舉賢良方正累遷知制誥禮部郎中竦娶楊氏亦工筆札有鈎距及竦顯多內寵寢與楊不諧楊悍妬卽與弟媚疏竦陰事竊出訟之又竦母與楊母相詬詈偕訴開封府事聞下御史臺左遷知黃州後徙鄧州襄州仁宗卽位遷戶部郎中徙壽安洪三州竦材術過人急於進取喜交結任術數傾側反覆世以爲姦邪丁母憂潛至京師依中人張懷德爲內助宰相王欽若雅善竦因左右之遂起復知制誥爲景靈判官後遷諫議大夫樞密

副使脩國史遷給事中改參知政事祥源觀使與宰相  
呂夷簡不相能復爲樞密副使進至尚書左丞太后崩  
罷爲禮部尚書歷知青州兼安撫使踰年罷安撫遷刑  
部尚書徙應天府寶元初以戶部尚書入爲三司使趙  
元昊反拜奉寧軍節度使知末興軍聽便宜行事徙忠  
武軍知涇州還判永興軍兼陝西經略安撫招討進宣  
徽南院使與陳執中論兵事不合詔徙屯鄜州初竦在  
涇州朝廷遣龐籍就計事竦上奏以爲不較主客之利  
不計攻守之便而議追討者非良策也因條上十事頗  
採用之其募土人爲兵令下而楊偕奏辨竦議遂屈竦

雅意在朝廷及任以西事頗依違顧避又數請解兵柄  
改判河中府徙蔡州慶曆中召爲樞密使諫官御史交  
章論竦在陝西畏懦不肯盡力嘗出巡邊置侍婢中軍  
帳下幾致軍變元昊嘗募得竦首者與錢三千爲賊輕  
侮如此今復用之邊將體解矣且呂夷簡畏其爲人不  
肯引爲同列旣退乃薦之以釋宿憾陛下孜孜政事首  
用懷詐不忠之臣何以求治會竦已至國門言者論不  
已請不令入見諫官余靖章累上卽日詔竦歸鎮徙知  
亳州改授吏部尚書歲中加資政殿學士竦之及國門  
也帝封彈疏示之旣至亳州上書萬言自辨復拜宣徽

南院使河陽三城節度使判并州明年拜同中書門下平章事判大名府又明年召入爲宰相制下而諫官御史復言大臣和則政事脩竦與陳執中不可使共事遂改樞密使封英國公親事官夜入禁中欲爲亂領皇城司者皆坐逐獨楊懷敏降官領入內都知如故言者以爲竦結懷敏而曲庇之會京師同日無雲而震者五帝方坐便殿趣召翰林學士張方平至謂曰夏竦姦邪以致天變如此宜出之罷知河南府未幾赴本鎮加兼侍中饗明堂徙武寧軍節度使進鄭國公錫賚與輔臣等將相居外遇大禮有賜自竦始尋以病歸卒贈太師中

書令謚文正劉敞言竦姦邪不可爲正改謚文莊竦以文學擅名一時朝廷大典策屢以屬之多識古文學竒字至夜以指畫膚文集一百卷其爲郡有治績喜作條教於閭里立保伍之法至盜賊不敢發然性貪數商販部中家累鉅萬自奉尤侈畜聲伎甚衆所在陰間僚屬使相猜沮以鉤致其事遇家人亦然子安期字清卿以父任爲將作監主簿召試賜進士出身累遷龍圖閣直學士兼侍讀提舉集禧觀以學士復知延州卒安期雖乘世資頗以才自厲朝廷數器使之然無學術求入侍經筵爲世所譏其侈不減其父云

論曰王欽若爲小官奏對稱旨及入樞府協謀天書丁謂在三司獻會計錄且力贊封禪故皆獲寵遇躋鈞軸夏竦結欽若暨中人張懷德共推挽遂起謫籍至使相三人者巧於謀身曾不爲國家計世皆指爲姦邪黨邪害正若謂者其尤與然欽若作相最晚謂未久卽逐竦居外不果徵何則朝多君子而人主猶畏公議也

陳堯佐

兄堯叟弟堯咨從子漸

宋庠

弟祁

陳堯佐字希元閬中人父省華字善則事孟昶爲西水尉蜀平授隴城主簿累遷樓煩令端拱二年太宗親試進士伯子堯叟登甲科占謝辭氣明辨太宗問左右知

爲省華子卽召爲太子中允歷戶部吏部二員外郎知潭州省華智辨有吏幹入掌左藏庫判吏部南曹擢至左諫議大夫卒年六十八贈太子少師堯佐進士及第爲魏縣中牟尉撰海喻一篇人奇其志累遷開封府推官言事迂旨降通判潮州民張氏子與其母濯于江鱉魚尾而食之母弗能救堯佐命二吏挈小舟操網往捕鱉至暴非可網得至是鱉再受網作文示諸市而烹之人皆驚異召還直史館知壽州後歷諸路轉運使母老祈就養召糾察在京刑獄爲御試編排官坐置等誤降監鄂州茶場天禧中河決起知滑州造木龍以殺水怒



又築長堤人呼爲陳公堤初營永定陵復徙京西轉運使入爲三司戶部副使徙度支擢知制誥進樞密直學士知河南府徙并州每汾水暴漲州民輒憂擾堯佐爲築堤植柳數萬本作柳溪民賴其利召同脩三朝史代弟堯咨同知開封府累遷右諫議大夫翰林學士天聖七年三月拜樞密副使八月以給事中參知政事遷吏部侍郎太后崩執政多罷以戶部侍郎知永興軍改知廬州徙同州復徙永興鄭州旣而拜同中書門下平章事集賢殿大學士以災異罷爲淮康軍節度使同中書門下平章事判鄭州以太子太師致仕卒贈司空兼衛

中謚文惠堯佐少好學初肄業錦屏山後從种放於終南山及貴讀書不輟善古隸八分尤工詩性儉約見動物必戒左右勿殺號知餘子自誌其墓曰壽八十二不爲天官一品不爲賤使相納祿不爲辱陳搏嘗謂其父曰君三子皆當將相惟中子貴且壽後如其言有集三十卷又有潮陽編野廬編愚丘集遣興集

堯叟字唐夫解褐光祿寺丞直史館父子同日賜緋歷工部員外郎廣南西路轉運使俗有疾輒禱神不知醫藥堯叟刻方書于州驛嶺外少林木井泉堯叟令道傍植木鑿井置亭舍民咸便之咸平初詔諸路課民種桑

棗堯叟上言所部諸州土風本異地利之博者惟麻苧爾麻苧所種與桑柘不殊欲望自今許以所種麻苧頃畝折桑棗之數則布帛上供泉貨下流公私交濟從之荐擢至兵部侍郎知樞密院事又兼群牧制置使多立條約著監牧議大中祥符初東封加尚書左丞詔撰朝覲壇碑進工部尚書獻封禪聖製頌帝作歌答之祀汾陰爲經度制置使判河中府禮成進戶部尚書時詔王欽若爲朝覲壇頌表讓堯叟不許別命堯叟撰親謁太寧廟頌加特進賜功臣又以善草隸詔寫途中御製歌詩刻石五年與欽若竝以本官檢校太傅同平章事充

樞密使加檢校太尉從幸太清宮加開府儀同三司未幾與欽若罷守本官明年復與欽若以本官充樞密使堯叟素有足疾屢請告九年疾甚表求避位優拜右僕射知河陽賜詩爲餞天禧初病亟求還至京師卒年五十七贈侍中謚文忠堯叟偉姿貌強力任知數久與機密軍馬之籍悉能周記所著請盟錄三集二十卷母馮氏性嚴家本富祿賜且厚不許諸子事華侈堯叟尤以孝謹稱景德中堯叟掌樞機弟堯佐直史館堯咨知制誥與其父同在北省諸孫任官者十數人宗親登科者又數人榮盛無比馮年八十餘後堯叟數年卒

堯咨字嘉謨舉進士第一歷官右正言知制誥知荆南改起居舍人同判吏部流內銓舊格選人用舉者數遷官而寒士無以進堯咨進其可擢者皆從之改右諫議大夫集賢院學士以龍圖閣直學士知永興軍長安地斥鹵無甘泉堯咨疏龍首渠注城中民利之然豪侈不循法度出入列禁兵自衛用刑慘急嘗以氣凌轉運使樂黃目黃目不能堪求解去遂徙堯咨知河南府既而有發堯咨不法者真宗不欲窮治命黃目察之得實以聞坐削職徙鄧州數月復知制誥歷工部侍郎權知開封府入爲翰林學士換宿州觀察使知天雄軍位丞郎

上自契丹修好城壁器械久不治堯咨葺完之然須索煩擾多暴怒列軍士持大挺侍前吏民語不中意立至困仆拜武信軍節度使知河陽徙澶州又徙天雄軍卒贈太尉諡康肅堯咨工隸書善射族子博古篤學能文爲館閣校勘早卒

從子漸字鴻漸少以文學知名於蜀淳化中與其父堯封皆以進士試廷中太宗擢漸第輒辭不就願擢其父許之至咸平初漸始仕爲天水縣尉漸好揚雄太玄經著書十五篇號演玄奏之召試學士院授儀州軍事推官調隴西防禦推官坐法免歸不復有仕進意蜀中學

者多從之遊堯咨不學漸心薄之堯咨中以事不果黜  
歷耀州節度推官卒有文集十五卷自號金龜子

宋庠字公序安陸人舉進士開封試禮部皆第一歷官  
左正言郭皇后廢庠與御史伏閣爭論坐罰金久之知  
制誥累遷翰林學士帝遇庠厚且大用矣庠初名郊李  
淑恐其先已以奇中之言曰宋受命之號郊交也合姓  
名爲不祥帝弗爲意他日以諭之因改名庠寶元中以  
右諫議大夫參知政事庠爲相儒雅練習故事與呂夷  
簡論數不同凡庠與善者皆指爲朋黨如鄭戩葉清臣  
等悉出之乃以庠知揚州未幾以資政殿學士徙鄆州

進給事中慶曆中范仲淹去位帝問宰相章得象誰可  
代者得象薦其弟祁帝雅意在庠復召爲參知政事帝  
嘗召二府對資政殿出手詔策以時事庠曰兩漢對策  
本延巖穴草萊之士今備位政府而比諸生非所以尊  
朝廷請至中書合議條奏時陳執中不學少文故夏竦  
爲帝畫此謀意欲困執中也論者以庠爲知體明年除  
尚書工部侍郎充樞密使皇祐初拜兵部侍郎同中書  
門下平章事集賢殿大學士饗明堂遷工部尚書三年  
諫官包拯奏庠不戢子弟又言在政府無建明乃以刑  
部尚書觀文殿大學士知河南府後徙許州又徙河陽

再遷檢校太尉同平章事充樞密使封莒國公御史言  
庠昏惰乃以河陽三城節度同平章事判鄆州徙相州  
以疾召還英宗卽位移鎮武軍改封鄭國公以老請出  
判亳州庠所至以慎靜爲治及再登用沉浮自安晚愛  
信幼子多與小人遊御史呂誨請敕庠不得以二子隨  
以司空致仕卒年七十一贈太尉兼侍中謚元獻帝爲  
篆碑曰忠規德範之碑庠自應舉時與祁俱以文學名  
擅天下儉約不好聲色讀書至老不倦善正訛謬嘗校  
定國語撰補音三卷又輯紀年通譜區別正閏爲十二  
卷掖垣叢志三卷尊號錄一卷別集四十卷天資忠厚

嘗曰逆詐恃明殘人矜才吾終身弗爲也

祁字子京與兄庠同舉進士禮部奏祁第一庠第三章  
獻太后不欲以弟先兄擢庠第一眞祁第十人呼曰二  
宋以大小別之歷官太常博士同知禮儀院李照定新  
樂胡瑗鑄鍾磬祁皆典之事見樂志預脩廣業記成遷  
工部員外郎同修起居注權三司度支判官方陝西用  
兵調費日蹙上䟽謂朝廷大有三冗小有三費天下有  
定官無限員廂軍不任戰而耗衣食僧道日益多而無  
定數謂之三冗道場齋醮無有虛日京師寺觀多設待  
卒添置官府使相節度坐靡邦用謂之三費且勸帝躬

服至儉風示四方則民業日豐師役可舉徙判鹽鐵勾  
院次當知制誥而庠方參知政事乃以爲天章閣待制  
歷判太常寺庠罷亦出知壽州徙陳州還知制誥權  
同判流內銓又爲翰林學士提舉諸司庫務徙知審官  
院兼侍讀學士庠復知政事亦改龍圖學士史館修撰  
修唐書累遷右諫議大夫充羣牧使庠爲樞密使亦復  
爲翰林學士皇祐中詔求直言亦奏二患其意王於疆  
君威別邪正急先務皆中時病會冊溫成爲貴妃亦適  
當制坐誤出知許州事在李淑傳數月復召遷給事中  
兼龍圖閣學士坐其子從張彥方游出知亳州歲餘徙

知成德軍遷尚書禮部侍郎請弛河東陝西馬禁又請  
復唐馱幕之制徙定州又上言天下根本在河北河北  
根本在鎮定以其扼賊衝爲國門戶也臣竊慮欲兵之  
強莫如多穀與財欲士訓練莫如善擇將帥欲人樂鬪  
莫如賞重罰嚴欲賊顧望不敢前莫如使鎮重而定疆  
夫恥怯尚勇好論事甘得而忘死河北之人殆天性然  
陛下少勵之不憂不戰以欲戰之士不得善將雖鬪猶  
負無穀與財雖金城湯池其勢必輕夫雲奔飈馳抄後  
掠前馬之長也疆弩巨挺長槍利刀什伍相聯大呼薄  
戰步之長也臣料朝廷與敵相攻必不深入窮追毆而

去之及境則止此不待馬而步可用矣臣請損馬益步  
故馬少則騎精步多則鬪健我能用步所長雖契丹多  
馬無所用之夫鎮定一體也自先帝以來爲一道帥專  
而兵不分故定堪其脅則鎮擣其脅勢自然耳今判而  
爲二平時號令文移不能一賊脫叩營壘則彼此不相  
謀尚肯任此責邪請合鎮定爲一路以將相大臣領之  
權一而責有歸矣又上禦戎論七篇加端明殿學士特  
遷吏部侍郎知益州尋除三司使右司諫吳及嘗言祁  
在定州不治縱家人貸公使錢數千緡在蜀奢侈過度  
及是御史中丞包拯言祁益部多游燕且其兄執政不

可任三司乃加龍圖閣學士知鄭州唐書成遷左丞進  
工部尚書以羸疾請便醫藥入判尚書都省俄拜翰林  
學士承旨復爲羣牧使尋卒年六十四遺奏立儲嗣以  
定人心又自爲誌銘及治戒以授其子三日斂三月葬  
慎無爲流俗陰陽拘忌吾學不名家文章僅及中人不  
足垂後爲吏在良二千石下勿請謚勿受贈典後贈尚  
書父之學士承旨張方平言祁法應得謚乃謚景文祁  
莅官明峻好作條教與兄庠皆以文學顯而祁尤能文  
善議論然清約莊重不及庠以此不至公輔云修唐書  
十餘年自守亳州出入內外嘗以橐自隨爲列傳百五

十卷預修籍田記集韻又撰大樂圖二卷文集百卷  
論曰宋初竇氏諸弟昆竝蜚聲于朝竟不至公輔逮咸  
平天聖間乃有陳宋二家非云盛歟省華名位由諸子  
以顯堯叟歷方州踐樞宥咸著政迹堯佐相業似無踰  
人然寬裕敦厚實禪治體庠當國練習典故擅儒雅之  
望祁能文多建白亦難為弟矣或問二相優劣曰堯佐  
長者庠因邊事請誅范仲淹甚哉其弗憐才也

宋史新編卷八十六



程